






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 832 8° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 832 8° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 832 8° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 832 8° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 832 8° copy 1


3 - 181



LN 832

ex 1

M



# DE REGENE-

RATIONE SPIRITUA-

li, et Obedientia Deo necessa-

rio præstanda a Re-  
genera-

tis.

Chilius. Iohannes.

Authore

NICOLAO HEM-  
MINGIO.

Si quis est in Christo, noua Creatu-  
ra est. 2. Cor; 5.

1558.



Errata sic corrigere.

- Facie 2. linea 20. lege verē  
Fa: 18. li: 17. pro peccatis lege opē-  
ribus.  
Pag: 24. linea 22. pro hos habet, le-  
ge hi sunt.  
Pag: 27. li: 7. pro quomodo lege  
quum.  
Pag: 30. li: 22. pro ita lege ira.  
Pag: 32. li: 19. post corporis adde se-  
quitur.  
Pag: 33. li: 19 adde & Deus filius crea-  
vit mundum.  
Pag: 34. li: 11. lege fidei.  
Pag: 34. li: 10. pro vt fit, lege vnde  
fit vt.  
Pag: 41. li: 22. lege effectus.  
Pag: 48. li: 3. post mortis adde Christi  
D<sup>r</sup> quinto li: 3. pro species lege spi-  
ras.

Minutiora boni consulat pius  
lector.

ORNATISSIMO VIRO,  
 Pietate, Sapientia, ac generis splendore  
 præstanti D: Iohanni Friis De Hesselager,  
 Cancellario inclyti Regis Danie, Noruegiæ &c.  
 Prudentissimo, Domino ac patrono suo semper obseruando,  
 Perpetuam gratiam & pacem a Deo Patre per Dominum  
 nostrum Iesum Christum, Nicolaus Hemmingius  
 Optat.

**F**cce quam bonum, & quam iucundum, habitare fratres in vnum, Sicut vnguentum bonum super caput, defluens super barbam, barbam Aaron: quod defluit super oram vestimentorum eius, Sicut ros Hermon, & qui descendit super montes Zion: quoniam illic mandauit Dominus benedictionem: vitam usque in sæculum. In hoc sacro carmine, Regius propheta David, canit quam sit res læta, bona & iucunda,

## EPISTOLA

da, sancta in Ecclesia & politis concordia, Et elegantissimis imaginibus dépingit quod initium, qui progressus, & quis fructus sit huius tam lœtæ, bonæ, & iucundæ concordiæ : Id quod ideo facit sanctissimus rex, ut omnes suos subditos ad concordiam amandam, admirandam, fouendam & consolendam secum excitet. Cum etenim optimo vnguento, hoc est, balsamo effuso in caput Aaronis, & defluentia in barbam, & a barba in oras vestimentorum decurrenti, concordiam comparat, veræ concordiæ initium facit pium in religione consensum, ex balsamo Spiritus sancti promanantem. Nam ut vnguentum, Spiritum sanctum : caput Aaronis, Christum : & eiusdem barba divini verbi preciones figurat : Ita vestimenta Aaronica Ecclesiam reliquam typicé notant. Vnguentum itaq; Spiritus sancti in caput Sacerdotis Christi effusum, dimidiat in Apostolos & reliquos pios versi.

## NVNCUPATORIA.

3

bi diuini precones, & inde in reliquam  
multitudinem per sanctissimum ver-  
bi diuini ministerium decurrit. Cum  
enim pie & concorditer prædicatur  
Euangelium, auditores qui se dociles  
præbent, donantur Spiritu sancto,  
eoque refecti tanquam iucundissimo bal-  
samo, coalescunt inter se veræ charis-  
tatis vinculo, ac ita perfusi sanctissi-  
mo oleo, mutuam in Christo fouent  
concordiam. En principium & pro-  
gressus huius nunquam satis laudatæ  
concordiæ. Eodem spectat & imago  
roris in montes Hermon & Zion des-  
centis, Nam sicut rore cœli omnia  
crescentia reficiuntur, ac veluti exhi-  
larantur, fructumque edunt iucundissi-  
mum: Ita sancta concordia & vitam  
iucundissimam reddit, & fructus long-  
e gratissimos producit. Quare non  
abs re dixisse putandus est, qui ait:  
Concordia res parue crescunt, & dis-  
cordia res magnæ dilabuntur. Sed quæ  
caussa est: quoniam illic, hoc est, inter

3

con-

## EPISTOLA

concordes mandauit Dominus benes-  
dictionem, & vitam vscp in seculum.  
Promissio ergo diuina vberimum  
sanctæ concordiæ fructum adfert,  
Nam ubi vera est in Ecclesia &  
politijs concordia, illuc se Dominus  
sua benedictione gubernatoribus &  
subditis adesse, & perpetua eos bene-  
ficientia complecti statuit. Hoc con-  
cordiæ piæ Encomiō, dum lego apud  
Dauidem, cogito de nostro regno,  
& gratias ago Filio Dei, qui suum  
sanctissimum balsamum nobis quoq;  
impertiri dignatus est. Nam & Rex  
noster clementissimus, re & nomine  
Christianus, balsami huius sacri par-  
ticeps, veram religionis concordiam  
colit, ac velut vnguentum fragrantissi-  
mum in suos subditos, nobiles &  
alios in sua aula, adeoq; in toto reg-  
no effundit: adeo vt nihil iucundius  
iudicent verē pñ, quam vt eodem  
spiritus balsamo cum illo veluti im-  
buantur, ex quo longè iucundissi-  
mus

## NVNCVPATORIA.

4

mus percipitur fructus, sanctus in religione consensus, ac in statu politico, fœlix beataq; concordia, quæ bona vt sint perpetua, donet nobis pacis & concordiæ princeps, Dominus noster Iesus Christus. Cyclopicæ naturæ, quæ solummodo venantur gloriam mundi, & voluptates seellantur, non intelligunt quām diuinus thesaurus sit pius in religione consensus, atq; ideo salse derident Euangeliū, & omnia quæ de religione disputatur susq; decq; habent, in hoc potius incumbentes, vt per fas & nefas, bona Ecclesiæ quæ adhuc reliqua sunt deprædantur, & in suum luxum sacrilege conuertat, Verum his, quia frustra surdis canitur, nihil aliud hoc tempore dictū velim, quam illud Isaiæ : Veh qui prædaris, & non es prædā passus, præuaricaris & nulli sunt in te præuaricati, cum cōsum maueris deprædationē, deprædaberis, Cum fatigatus desieris contemnere, cōtemnēris, Hunc sibi verū vatē fuisse, nō sine

## EPISTOLA

sine magno suo malo experietur olim.  
Cæterum ut concordia in Ecclesia ma-  
neat stabilis & firma, necessarium erit  
veræ concordiæ vinculum retinere,  
quod est sacrum Dei verbum, tradi-  
tum in scriptis Propheticis & Aposto-  
licis, ac summatim repetitum in Sym-  
bolis. hoc verbum retinendum est, &  
præferendum omnibus humanis ac  
Philosophicis fragmentis: Nam illud so-  
lum salutis necessariam doctrinam cō-  
tinet. Ut autem hoc verbum tenacius  
retineri possit, debent interpres scri-  
pturæ nequaquam imitari Nadab &  
Abihu, qui sacrificium facturi, alie-  
num ignem suis imposuerunt acerris,  
cuius temeritatis mox poenas luerunt:  
Nam igni cœlesti prostrati & occisi  
sunt. Hac imagine non dubium est  
significari hereticos, qui scripturā in-  
terpretantes, interpretationes petunt  
ex Philosophia & humana ratione,  
quorū interitus casu Nadab & Abihu  
significatus est. Sed potius Aaronem,

Elea-

## NVNCVPATORIA.

Eleazer, Sadoch & alios imitabuntur,  
qui sacrificantes ignem ex perpetuo  
altaris Dei igni sumpserunt, quo suas  
accenderunt victimas. hoc est, debent  
obscuras scripturæ sententias, cum  
perspicuis scripturæ locis conferre, &  
inde mutuari lucem, & veluti ignem  
quendam, quo illustria fiant obscuriora  
loca. Multi cum audiunt nos ver-  
bum Dei, tanquam vitæ atq; actio-  
num in Ecclesia regulam vnicam præ-  
dicare, putant nos aspernari cum Phi-  
losophiam totam, tum Ecclesiæ &  
sanctorum patrum interpretationes:  
Sed vtrumq; constanter pernegamus.  
Nam quantum ad vitam politicam,  
& œconomicam attinet, multa vtilis-  
sima precepta ex Zenophonte, Isocra-  
te, Platone, Aristotele, Plutarcho, Ci-  
cerone & alijs multis Philosophis, &  
ex Iuris consultorum monumentis pe-  
ti possunt. Sed cum vera colendi Deū  
ratio agitur, nihil sani reperire est in  
Philosophorū monumentis. Hic enim

# EPISTOLA

solum verbum Dei lucerna esse debet  
pedibus nostris, quam lucernam si se-  
quamur, recta nos ducet in thalamū  
Sponsi nostri Iesu Christi. De Ecclesia  
autem & sanctorū patrum interpre-  
tatione sic sentiendum est. Triplicia  
sunt scripturæ pronunciata, quedam  
ita clara & manifesta sunt, vt nulla lu-  
ce aliunde petita indigeant. Huius ge-  
neris sunt omnia, quæ omnino ad no-  
stram salutem sunt necessaria: vt de-  
calogi precepta, de diligendo Deo &  
proximo, vt promissiones Euangeli,  
vt doctrina pœnitentiæ, baptismi,  
cœnæ Domini, &c. Hic non recipi-  
enda est ullius hominis interpretatio,  
pugnans cum manifestis dictis.

Quædam sunt dubia, quorum mul-  
ta mediocri diligentia & collatione  
adhibita, dijudicari possunt, ordine  
rerum obseruato. Quædam sunt  
plane obscura, quæ ex locorum col-  
latione, & obseruatione ordinis re-  
rum percipi non possunt, vt aquæ  
quæ

## NVNCPATORIA.

quæ sunt super cœlos, hæc alij de  
aquis quæ in nubibus vehuntur, in-  
terpretantur, alij de aquis ex qui-  
bus vndecimum cœlum constare di-  
cunt, accipiunt. Talis est disputa-  
tio de ortu animarum, quas alij imme-  
diate creari dicunt, & infundi corpo-  
ribus, iam in vtero materno formatis,  
alij eas, vt quædam quæ putant  
absurda deuitent, fingunt ex tra-  
duce oriri. In huiusmodi obscuris  
quæstionibus, non reñciendum est  
testimonium veterum, quorum in-  
terpretationem, si non pugnat cum  
fundamento, recipiendam iudico.  
Verum hoc interim sciendum, non  
ita extollendam esse Ecclesiæ autho-  
ritatem, vt sīnamus nobis obtrudi  
humana somnia, & excuti e manis-  
bus manifesta oracula spiritus sancti,  
quasi pulueri & cineri liceret suam  
authoritatem diuinæ comparare,  
quod tamen in papatu fieri mani-  
festum est, non sine mediatoris nostri

## EPISTOLA

Iesu Christi magna cōtumelia, & infir-  
marū animarum deplorādo interitu.

Papistæ hodie quatuor potissis-  
mum monstra ( quibus reliqua nuga-  
rum & superstitionum colluuies de-  
seruit ) defendunt : Missam, purgato-  
rium, inuocationē sanctorum, & ope-  
rum iusticiam, quæ omnia, cum pug-  
nant cum manifestis oraculis Dei, Cy-  
clopico furore scripturam ab̄h̄ciunt  
Papistæ, ac prouocant ad Ecclesiæ  
( quam ipsi fingunt sine verbo Dei )  
authoritatem, quasi Ecclesia Dei cen-  
seri posset turba sacrificiorum, &  
Monachorum, quæ vocem De rabiosē  
contemnit, atq; in eius locum doctri-  
nas Dæmoniorum euexit. Hos Pa-  
pisticos errores clarissimis demonstra-  
tionibus refutat Philippus Melanch-  
thon, vir optime de Ecclesia Chris-  
ti meritus. Hæc ideo commemoro,  
vt cogitetur quām sit necessaria  
doctrinæ cœlestis in Ecclesia defen-  
sio, & quod in miserrimam carni-  
ficiis

## NVNCVPATORIA.

7

ficiam incident homines, postquam  
vel paululum cesserint Diabolo, &  
locum doctrinis Dæmoniorum fe-  
cerint. Hoc itaq; ne fiat requiritur  
pia gubernatorum cura, quæ cauet,  
ne sint qui priuatis affectibus morem  
gerentes, scindant Ecclesiæ vnitatem,  
ac ita Turcis & Papistis, nō dico fene-  
stras, sed integra regna & prouincias  
aperiant. Tota hæc Dania nouit,  
quanta solicitudine caues, prudentissi-  
me Domine Cancellarie, ne sint qui vel  
in politico regimine, vel in Ecclesia  
moliantur discordiam : Huc enim om-  
nes tuæ curæ, huc vigiliæ, huc noctur-  
na diurnaç; consilia tua, huc actiones  
tuæ omnes referuntur, vt bene com-  
posito Ecclesiæ & rei publicæ statu,  
paci diuturnæ & tranquillitati sanctæ  
consulatur. Idem tecum faciunt multi  
heroes, ac sapientissimi Regis & reg-  
ni Conciliarij, quorum merita a me sa-  
tis laudari nequeunt. Sed ad te reuer-  
tar, qui patronus singularis es & Me-  
cenras

# EPISTOLA <sup>VII</sup>

ceas omnium literatorum hominum.  
Totus enim in hoc es, vt quām plurima  
beneficia in docentes & discentes  
conferas, & nemini eorum noceas, id  
quod viri boni proprium esse offici-  
um, olim pronunciauit M: Cicero.  
Cæterum quoniam ego quoq; inter  
alios quam plurimos, maxima tuæ  
dignitatis beneficia sum expertus, vo-  
lui hoc literario & scholastico munu-  
sculo, animi mei erga tuam dignita-  
tem declarare gratitudinem, quod vt  
æqui boniç consulas, etiam atq; etiam  
rogo. Tametsi autem haud ignoro  
hoc munusculum vilius videri posse,  
quām vt tuæ dignitati offerri debeat:  
Tamen quia questio, quam hic medio-  
tri, vt spero, diligentia tracto, ad con-  
cordiam in Ecclesia seruandam, ut ilis  
esse videtur, sperauit hunc meum labo-  
rem tuæ dignitati haud ingratum fo-  
re. Præsertim cum ab amicis tuis sæpe  
audiuerim, optare te vt aliqua in-  
ueniretur ratio ruidem populum de-  
bonis

## NUNCUPATORIA.

bonis operibus docendi, ne nimis laxarentur habentiae imperitiae multitudo*n*, quæ alioqui (ut est ignauia nostra) satis segnis est ad præstandum officium. Hoc autem fieri posse admodum commode existimo. Si vera illa necessitas sancte viuendi proposatur, & veræ caussæ, quas expono in his paucis pagellis, fideliter & prudenter populo inculcentur. Quamvis autem doctrina perpetua Ecclesiæ Dei, de gratuita iustificatione per solam Fidem stat immota, ut quæ fundamentum habeat veritatem Dei infallibilem: Tamen diligenter docendi sunt homines, quod debitores sint Dei, quod vocati sint non ad turpitudinem, sed ad sanctificationem, quod fides quemadmodum Iacobus docet, mortua sit sine operibus, hoc est, quod non sit vera & germana filiorum Dei, fides, quam iactant homines qui viuunt sine poenitentia, & obes-

EPIS: NVNCV:

obedientia erga Deum. Quare rec-  
tissime dixisse Nazianzenū censeo qui  
ait: Sicut fides sine operibus est mor-  
tua: Ita quoq; opus sine fide mor-  
tuum est, præluceat ergo fides,  
qua sola iusti sumus coram Deo, dona-  
ti iusticia Christi, & habeat coniun-  
ctum suum germanum fructum, pie-  
tatem erga Deum, innocentiam vitæ,  
beneficentiam erga proximos, & san-  
ctam quandam solitudinem in eo  
vitæ genere, ad quod quisq; est voca-  
tus. Vale vir clarissime, Mecænas  
docentium et dissentientium pietatem, et  
honestas disciplinas in his Rega-  
nis. Haffniæ 24. Decem-  
bris. Anno a Chris-  
to nato,

1558.

DE

# DE SPIRITUALI

Regeneratione.

**C**um Paulus Rom: 6. & Petrus primæ primo, ex vi & natura spiritualis regenerationis, necessitatem sancte viuendi colligant, & Christus Iohan: 3. testetur neminem posse introire regnum Dei nisi sit regenitus, significans regenerationem initium esse Christianismi: opere precium esse duxi, claram & perspicuam regenerationis doctrinam ex varijs scripturæ locis collectam proponere, quæ ea cognita, in Christo indies adolescere studeam, & extincto paulatim veteri homine, cum suis concupiscentijs & prauis desiderijs, iuste, pié & modeste, in hoc seculo viuamus, expectantes beatam spem, & manifestationem gloriæ magni Dei & seruatoris nostri Iesu Christi, qui dedit seipsum pro nobis, ut redimeret nos ab omni iniquitate, et purgaret sibi populū peculiarē secundum tatoꝝ

A

tatorem honorum operum.

Vt autem certus tractandi modus nobis constet, hunc sequemur ordinē. Primum vnde proficiscatur quomodo applicetur nobis, et sentiatur regeneratio, dicendum est.

Deinde eius clara est statuenda definitio, vt quae sint veræ huius nouæ creaturæ notæ, intelligatur.

Tum partes eius constituedæ sunt, Quas sequetur causarum ad spiritualem hanc regenerationem concurrentium distinctio. Huc incrementa, usus, fines & consummatio regenerationis adhæcientur. His addetur indicatio errorum circum bona opera cum breui confutatione in qua aspergentur veræ causæ honorum operum vt constet quanta sit necessitas pie & sancte vivendi īs qui volunt veri esse qui dicuntur hoc est Christiani.

Regeneratio igitur proficiscitur ex virtute & efficacia mortis et resurrectionis Christi. Sicut Paulus ad Ro: 6,

his

10

his verbis probat. Nū ignoratis quod  
quicunqꝝ baptizati sumus in Christum  
Iesum, in mortē eius baptizati sumus.  
<sup>3+</sup>  
Consepti ergo sumus ipsi per baptis-  
mum in mortem, vt quemadmodum  
fuscitatus est Christus ex mortuis, per  
gloriam patris: Sic & nos in nouitate  
vitæ ambulemus. Hæc Pauli verba  
primum docent quod mors Christi ef-  
ficax sit ad domandum & præmendū  
veterem hominem, hoc est, ad nequitia-  
m carnis nostræ extinguedā & pro-  
fligandam. Nam vt illi baptizari dicū-  
tur in Christum Iesum, qui per baptis-  
mum dicantur & consecrantur Chris-  
to; Ita baptizantur in mortem eius om-  
nes, in quibus per efficaciam mortis  
Christi peccatum moritur et aboletur  
vt in vnū corpus, in vno capite Chris-  
to coalescant. Proficiuntur itaqꝝ rege-  
nerationis initium ( quod est mortifi-  
catio veteris hominis ) ab ipsa mortis  
Christi virtute.

Deinde docent hæc Pauli verba re-

A n surrec-

4

surrectionē Christi vīm esse vnde nos-  
tra nouitas fluat, quæ est regeneratio-  
nis finis, atq; adeo vita ipsa qua iam  
viuit noua creatura.

Præterea huius regenerationis sym-  
bolum facit baptismum. Nam quod  
foris figurat signum, hoc intus opera-  
tur mors, sepultura & resurrectio  
Christi per spiritus sancti gratiā. Hoc  
ipsum docet Apostolus ad Colo: 3. vbi  
sic ait. Itaq; si resurrexisti cū Christo  
quæ sursum sunt quærite, vbi Christus  
est in dextera dei sedens, quæ sursum  
sunt cogitate, non quæ sunt super ter-  
ram. Mortui enim estis & vita vestra  
abscondita est cū Christo in Deo. Hic  
Paulus exhortationem petit a vi rege-  
nationis, quæ in morte Christi, & in  
eiusdem excitatione ex mortuis colloca-  
tur. Nam cohærent inter se mori, &  
resurgere cum Christo. Ut enim par-  
ticipatione mortis Christi mortifica-  
mur peccato, mundo, legis deniq; ele-  
mētis atq; adeo toti legi; Ita resurrectio-  
nis

5.

onis participatione viuificamur Deo,  
ut iam noua creatura effecti, virtute  
mortui resuscitatique Christi indies ma-  
gis atque magis veterem hominem ab-  
oleamus.

Sed quomodo hec virtus mortis  
& resurrectionis Christi nobis appli-  
catur? Id diuus Petrus docet in prio-  
ris Primo his verbis. Benedictus Deus  
& pater domini nostri Iesu Christi, qui  
secundum multam suam misericordia-  
m regnuit nos in spem vitae, per res-  
urrectionem Iesu Christi ex mortuis,  
in hereditatem incorruptibilem, & in  
contaminatam & immarcescibilem,  
repositam in coelis erga vos, qui virtu-  
te Dei custodimini per fidem in salu-  
tem, & postea in eodem capite, Reges-  
niti ( ait ) non ex semine corruptibi-  
li, sed incorruptibili, per sermonem  
viventis Dei, & manentis in æter-  
num.

In hisce testimonij*s* discerte expri-  
muntur tres applicationis causæ, qua-

A ij rum

rum, Prima est misericordia dei, qua  
motus Deus non vult hominem in sua  
prima nativitate perire, modo propos-  
titum & oblatum beneficium nouæ  
regenerationis non recusauerit. Secun-  
da, verbum Euangeliū, quod ex mera  
sua misericordia promulgari toti mun-  
do mandauit Tertia est fides verbum  
recipiens. In verbo enim vis spiritus la-  
tet, quæ in audientibus, iuxta ordinem  
diuinitns institutum, fidem operatur.  
Est itacq; verbum Euangeliū fide receps-  
tum semen nouæ creaturæ, quæ per  
gratiam regenerationis nascitur. Vnde  
Ioh: 1. dedit potestatem, ut filij Dei fi-  
erent, quotquot credunt in nomen e-  
ius. In quibus verbis diligenter relatio  
obseruanda est. Nam nomen prædica-  
tionem respicit, Quare is in Christi no-  
men veré credit, qui talem ipsum sta-  
tuit sibi esse, qualis nominatur & pre-  
dicatur in Euangelio, hoc est, quod sit  
agnus Dei qui tollit peccata mundi,  
quod sit medicus, qui omnes ægrotos  
ad se

7.

ad se vocat, quod sit sacerdos qui placat iram patris, quiq; in se iram iusti iudicis deriuat, breuiter quod sit salvator omnium in se credentium. Ut ergo Petrus semen huius nouæ creaturæ verbum Dei statuit: Ita Iohannes fidem requirit, qua recepto semine, noua hæc nativitas peragitur. Nam nisi accederet fides vi spiritus efficacis in verbo, nulla vñquam fieret regeneratione ratio quæ regeneratione, in hunc fit modū. Cū spiritus sancti virtute fides ad prædicationē verbi infnnditur cordi hominis, occulte & arcano quodam et nobis prorsus incognito modo regignit homo, ac fide iam donatus, vi uo conscientiæ sensu non adoptionis modo gratiam, sed etiam vitæ nouitatem, timorem dei dilectionem proximi, & alia spiritus sancti dona apprehendit.

Hunc regenerationis modum cum ignoraret Nicodemus, eum elegantissima similitudine instituit Dominus Iohan: iii. Vbi sic ait. Ventus quo A iiii vult

vult spirat, & sonum eius audis sed  
nescis unde veniat, aut quo vadat. Ita  
est omnis qui genitus est ex spiritu. Hos  
rum verborum sensus est, quemadmo-  
dum ignoratur unde veniat aut quo  
vadat ventus, sed tamen eius sonus sen-  
titur dum spirat: Ita modus regenera-  
tionis nostræ, per spiritum sanctum est  
nobis reconditus, sed mox ubi regen-  
ti sumus, vis & effectus spiritus sancti  
in nobis regenitis se profert. Nam hu-  
ius spiritus motus & flatus in cordibus  
regenitorum est fides qua sola iustifi-  
camur, timor Dei, ardens amor, & de-  
siderium approbandi Deo omnem  
nostram vitam, & aliæ virtutes, cum  
his coniunctæ, quas Paulus ad Gal: 5.  
enumerat & Petrus ex virtute rege-  
nerationis extruit in prioris secundo.  
Cum his congruit distinctio Chryso-  
stomi qui ait duplicem esse regenera-  
tionem. Alteram quam ex condona-  
tione peccatorum dum in Christum  
credimus & eius donamur iusticia,  
Alte-

9.  
15

Alteram quam post iustificationem  
obtinemus sancte & innocenter vi-  
uendo, prior dono Dei contingit, in  
altera requiritur nostra quoque diligen-  
tia, prioris principia sunt verbum dei  
& spiritus sanctus qui fidem operatur  
Posterior causas habet easdem vna cū  
nostra diligentia & exercitijs propijs.

Hinc Beatus Lutherus in com-  
mentarijs super Epistolam ad Galat:  
proijssime scribit, in hunc modum. No-  
ua creatura est renouatio mentis per  
spiritum sanctum, quam sequitur  
postea etiam mutatio membrorum  
& sensuum corporis. Nam vbi cor-  
nouam lucem, nouum iudicium &  
nouos motus per euangelium conci-  
pit, fit vt externi quoque sensus inno-  
uentur. Aures enim verbum Dei,  
non amplius traditiones & somnia  
humana gestiunt audire, Os & ling-  
ua non sua opera, iusticias & regu-  
lam iactant, sed solā misericordiā Dei  
in christo exhibitā cū gaudio prædicat

A v

Hæ

Hæ sunt mutationes, vt sic dicam, non verbales, sed reales, quæ afferunt nouam mentem, voluntatem nouam, nos uos sensus & actiones etiam carnis, vt oculi, aures, os & lingua aliter quam antea videant, audiant, loquantur: sed vt ipsa mens etiam aliud probet & sequatur. Hactenus Lutherus.

Ex his manifestum est, vnde proficiscatur, quomodo fiat & sentiatur tandem spiritualis illa natiuitas, qua in filios Dei renascimur: nunc quod secundo loco proposui aggrediar, & definitionem huius natiuitatis spiritualis perspicuam tradam.

Est itaque spiritualis natiuitas, qua nascuntur filii dei, quotquot credunt in nomen Iesu Christi.

Hæc definitio sumpta est ex primo capite Iohannis, & constat causis efficiente, materiali & instrumentalı. Efficienti Deus pater est, qui secundum magnam suam misericordiam regeneravit nos, 1. Pet. 1. Materia Christus est, cuius

11.

cuius mortis & resurrectionis vi res-  
nascimur, ut supra explicatum est. In-  
strumentalis causa est, fides donum  
spiritus sancti, quo virtus & efficacia  
mortis & resurrectionis Christi, adeo-  
q[ue] totus Christus, cum omnibus suis  
donis recipitur.

Verba autem Iohannis, vnde de-  
finitio posita est desumpta, sunt hæc.  
Quotquot autem receperunt eum,  
dedit eis potestatem seu dignitatem;  
( Graeca enim vox Exusia dignita-  
tem ac maiestatem quandam etiam  
notat ) ut filij Dei fierent, ihs qui cre-  
dunt in nomen eius, qui non ex sang-  
uinibus, neq[ue] ex voluntate carnis, neq[ue]  
ex volūtate viri, sed ex Deo nati sunt.

In his verbis Euangelistæ manifeste  
exprimuntur causæ, ex quibus defini-  
tio posita est extructa. Sed qui fit,  
quod credentes homines dicantur na-  
sci a Deo, atq[ue] ideo filij Dei sint & ap-  
pellentur :

Nasci a Deo est, per fidem coniun-  
gi cum

gi cum Christo vero filio Dei in quo  
etiam credentes gratis habentur pro  
filii eiusdem regni hæredibus. Quare  
ea de causa dicuntur credentes filii dei  
quia membra facti sunt naturalis &  
vnigeniti filii, qui est Christus Iesus in  
quo charos nos habet, & adoptat pa-  
ter cœlestis. Ut igitur renasci est, per  
verbum Dei auditum & creditum, vi  
mortis & resurrectionis Christi, fili-  
um & hæredem Dei fieri. Ita nouus  
homo is dicitur, qui verbo & fide, per  
spiritum Dei, vi mortis & resurrec-  
tionis Christi est renatus, vnde & il-  
lud efficitur, veterem hominem esse  
eum, qui fide caret, quantumvis exis-  
mīs, coram mundo donis clarus sit.

Porro duo loci Pauli, quorum al-  
ter est ad Col: 3. Alter ad Eph: 4.  
Definitionem regenerationis exhibent  
formalem. Ad Col: quidem ait, Cum  
exueritis veterem hominem cum fac-  
tis suis, & indueritis nouum illum,  
qui renouatur ad agnitionem, secun-  
dum

13.  
15

dum imaginem eius qui condidit ips  
sum. Ad Eph: vero in hunc modum.  
Vos non ita didicistis Christum si quis  
dem ipsum audistis, & in ipso estis  
docti, quemadmodum est veritas in  
Iesu, ut deponatis secundum pristi  
nam conuersationem, veterem homi  
nem qui corrumpitur secundum con  
cupiscentias mortis, renouemini au  
tem spiritu mentis vestrae, & induas  
tis nouum hominem, qui secundum  
Deum creatus est, in iusticia & sanc  
titate vera.

Ex his duobus locis colligitur de  
finitio hæc, quod regeneratio sit re  
paratio imaginis Dei in homine, hoc  
est, conformitas & similitudo homi  
nis cum Deo, ad quam primus homo  
formatus erat, hanc Dei imaginem  
Paulus collocat in iusticia & sanctitas  
te vera.

Sed præter hanc definitionem tria  
ex Pauli verbis colligere promptū est  
Primum, quod hæc imago requirit  
depositum

depositionem veteris hominis. Secundum, quod huius imaginis veluti materia sit agnitus Christi, atque ea non innatis, sed efficax, de qua etiam Iohannes in primæ secundo ita ait. Per hoc scimus quod cognouimus eum si mandata ipsius obseruamus, qui dicit, noui es tu, et mandata eius non seruat, mendax est, & in eo veritas non est, haec ergo agnitus fidem complectitur usitata synecdoche. Nam ubi non est fides ibi vera cognitio nullo pacto esse potest. Et ubi non est obedientia erga deum, ex fide prestita, nequaquam illic fides esse potest, sed fictum duntaxat illius Ldolum & mortuum simulacrum. Verum diligenter obseruandum est, quod Iohannes non dicat, per hoc sumus in eo uel eum agnoscimur, quia mandata eius obseruamus, sed per hoc scimus (ait), nos illum agnouisse, si mādata eius obseruamus. Ascenditur autem hic ab effectu ad causam, non contra. Nam bona opera nequaquam nos inserunt  
Deo

15, 16

Deo, sed insitos gratiſq; iustificatos neſſario conſequuntur. Tertio ex verbiſ Pauli colligitur quæ pars hominis ſit primum ſpiritualis regenerationis ſubiectum, nimirum mens ipsa & ratio quam omnium primum oportet corrigi & cognitione lucis Christi per ſpirituſum ſanctum, illustrari. Hac refor- mata manu Dei, ſequitur mutatio in affectibus & voluntate, quibus etiam externa membra obtemperant. de qua re poſtea copiosius dicendū eſt. Hac te- nus de interna regeneratione dictū eſt quæ occulte fit, & peragitur ſine ex- terno ſymbolo, qua Adā poſt lapsum reſtitutus eſt, Abel, Seth, Enoch, Noe et alij ſac̄ti patres olim regeniti ſunt, & hodie quotquot naſcuntur filij Dei neſſario regenerantur. Nam Deus eo- dem modo cū in ſanctis patribus, tū in nobis ſalutem operatur. Nunc adi- cienda ſunt Tria dicta quæ videntur regenerationem baptismo alligare.

Dominus Iohann. iii. ait. Niſi quis  
ex

ex aqua & spiritu renatus fuerit non potest introire in regnum cælorum. Ad Eph: 5. Christus dilexit Ecclesiā & seipsum tradidit pro ea, purgans eam lauacro aquæ in verbo. Ad Titum 3. Quando autem bonitas & Philanthropia apparuit seruatoris nostri Dei, non ex operibus, quæ sunt in iusticia, quæ fecimus nos, sed iuxta ipsius misericordiam saluauit nos, per lauacrum regenerationis, et renouationem spiritus sancti, quam effudit in nos opulenté, per Iesum Christum seruatorem nostrum, ut iustificati ipsius gratia hæredes fieremus iuxta spem vitæ æternæ.

Ex hisce locis aliud effici non potest, quam quod vis regenerandi sit solius spiritus Dei per Iesum Christū et quod hæc regeneratio representetur et efficiatur per baptismum, tanquam ordinarium instrumentum huius sanctæ nativitatis, Non quod sine baptismo, spiritualis regeneratione virtus

virtute spiritus sola fieri nequeat. Quare locutiones istæ, ex aqua & spiritu renasci, Deum purgare Ecclesiam lauacro aquæ, eundem saluare per lauacrum regenerationis, nihil aliud volunt, quam homines in baptismo recipere spiritum sanctum, qui regeneret, quæ regenerationis manat ex virtute mortis, sepulturæ & resurrectionis Christi, cuius virtutis applicatae efficax symbolum & pignus est baptismus, de quo idem licet nobis dicere, quod Paulus de circumcisione cui baptismus noster successit, dixit. Baptismus quidem prodest, si legem baptismi seruaueris, at si transgressor legis huius ( quæ est in Christum recumbere, mori peccato, & viuere iusticiæ ) fueris, baptismus tuus in sordes commutatur. Baptismus enim cordis in spiritu non litera, cuius laus non ex hominibus sed ex Deo. Hoc ita esse verbis Petri confirmatur, qui in prioris tertio ita ait. Cuius figuræ

B

respon.

respondens baptismus, nos quoque sal-  
uos reddit, non abie<sup>c</sup>tio sordium car-  
nis, sed bonae conscientiae stipulatio ad  
pud Deum, per resurrectionem Iesu  
Christi. Hic Petrus cū dicit, non ab-  
ie<sup>c</sup>tio sordium carnis, satis ostendit,  
nonnullis baptismum tantum litera-  
lem esse, at ihs esse spiritualem, quorum  
conscientia responsum habet apud  
Deum, per resurrectionem Iesu Chri-  
sti. Hec non a nobis dicuntur ad exten-  
nuandam virtutem baptismi, quem  
scimus organum Dei esse, & salutare  
sacramentum, in quo Christus verē ad-  
est, cuius corpus qui baptisatur ins-  
duit, cuiusce sanguine conscientia eius  
abluitur, a mortuis peccatis: Verum  
discerno inter virtutem spiritualem  
& externum symbolum, quo illa vir-  
tus spiritualis confertur & obsignat-  
ur. Etsi Cornelius credens, fide indu-  
erat Christum, & accepto spiritu sanc-  
to, ante collatum baptismum, verē  
erat regenitus, & filius Dei, per fidem  
effectus

19

effectus : nihilominus tamen idem be-  
neficium illi collatum & consignatum  
est per baptismum, in maius fidei in-  
crementum. A postoli sufflante in eos  
Christo, acceperunt spiritum sanctū,  
eundem tamen postea sacramentaliter  
acceperunt, vt visibili signo confirma-  
retur inuisibile donum. Qui credit  
in Christum alitur & sustentatur in  
spem vitæ æternæ corpore & sanguis  
ne Christi, veré tamen in sacra cœna  
eisdem sacramentaliter fruitur, vt sint  
pabulum & potus animæ.

Est illud in ceteris huiusmodi  
Sunt ergo duo in sacramentis con-  
sideranda, signum & res, vt supra  
quoque dictum est. Signum sumi potest  
sine re, & res exhiberi interdum sine  
signo, vt in baptismo signum, ablutio  
corporis per aquam, res vero est, ab-  
lutio animæ per sanguinem Christi,  
mortificatio veteris naturæ, & excis-  
tatio noui hominis. Quod autē signū  
interdum est inefficax, omni efficacia

B ij desti

destitutum fit hominum culpa, quæ  
non naturam tollit sacramenti.

Hæc eo pertinent, vt non temeré  
confundamus virtutem, quæ solius  
Dei est, cum externis sacramentis,  
quibus Deus vt organis vti consueuit,  
nō quod sine illis nunquam agat, sed  
quod ea sint ordinaria ipsius diuinæ  
actionis organa.

*Lofax regis.* Ex his quæ hactenus dicta sunt  
facile est colligere, quænam sint salu-  
taris huius regenerationis notæ, qua-  
rum Prima est vera Christi cognitio,  
quæ non solum noticiam Christi, sed  
etiam firmam in ipsum fiduciam com-  
plectitur. Hæc est, inquit dominus,  
vita æterna, vt te cognoscant verum  
Deum, & quem misisti Iesum Chri-  
stum. Et Paulus. In Christo Iesu neq;  
circumcisio aliquid valet, neque præ-  
putiū, sed noua creatura: Hi duo loci  
collati sensum & vitam adeoque veris-  
simam notam noui hominis docent  
esse fidem in Iesum Christum, per cha-  
ritatem

21  
19

ritatem efficacem. Secunda nota regeneratis est duci spiritu Christi, quem admodum Paulus ait. Qui ducuntur spiritu Christi, hi sunt eius.

Tertia nota, quæ vnumquemque certificat est arrabo hæreditatis, qui est spiritus sanctus. Paulus enim ad Corinthios posterioris primo ita ait. Et dedit arrabonem spiritus in cordibus vestris. Et ad Galatas quarto. Quia estis filii, misit Deus spiritum filij sui in corda vestra clamantem Abba pater.

Quarta nota est assidua spiritus aduersus carnem pugna, & eiusdem spiritus victoria.

Quinta est pacientia sub cruce spei, quæ fidei coniuncta est, verus & germanus fructus. Hæ notæ nouæ creature certissimi sunt indices, & veluti noui fructus infallibiliter nouam monstrantes arborem.

Cæterum si placet ista breuius complecti, hæc noua creatura ex eo

B ij cognosc

cognoscitur, si fides sentiatur, si vis  
domandæ carnis crescat, si timor Dei  
& aliæ virtutes quotidie ex noua hac  
arbore succrescant, vel breuius adhuc,  
si gaudiū spiritus, de salute per Chris-  
tum parta, efficaciter sentitur, & in-  
de prompti sumus & alacres, ad præ-  
standam Deo perpetuō obedientiam.  
Periculose errant, qui cum noticiam  
Christi & fidem iactant, nullos tamen  
ædunt synceræ fidei fructus, sed du-  
cuntur veluti bestiæ quocunq; vitiosæ  
carnis libido rapit.

Atq; hæc de secundo membro par-  
titionis nostræ sint dicta, nempe de  
definitione, & veris nouæ creaturæ  
notis. Nunc vt in partibus magis con-  
spiciatur hæc salutaris natuuitas, par-  
tes eius sunt nobis exponendæ & de-  
clarandæ.

Sunt autem regenerationis partes  
duæ, Mortificatio & viuificatio. Mor-  
tificatio est communio & societas mor-  
tis Christi, qua vitiositas naturæ castis-  
gatur

gatur, crucifigitur & occiditur. Et  
est duplex, Interior & exterior. Inter-  
iorem Paulus interdum vocat crucifi-  
xionem veteris hominis, vt cū ait Ro-  
manorum 6. Vetus noster homo simul  
crucifixus est etc. Hæc mortificatio ha-  
bet fidem vitæ adiunctam. Iuxta illud  
Si mortui sumus in Christo, credimus  
quod & viuemus cum eo. Ut autem  
hæc mortificatio ex virtute mortis  
Christi proficiscitur: Ita in abnegatio-  
ne ea est sita, quæ in vera contritione  
sentitur, cum videlicet carni & concus-  
piscientijs eius ita renunciamus, vt sta-  
tuamus ex viuo fidei sensu, non ampli-  
us iuxta carnis, sed iuxta spiritus im-  
perium viuere: hanc abnegationem  
dominus commendat suis sectatoribus  
Lucæ 9. Si quis vult post me venire,  
abneget semetipsum, & tollat crucem  
suam, & sequatur me. Ad hanc &  
Paulus hortatur suos Colossenses in-  
quiens: Mortificate membra vestra  
terrestria, &c.

B iiiij

An

An non Christus mortuus est pro peccato? Si ille pro peccato mortuus est, sicuti reuera est, cur nos iubemur idem mortificare? In peccato duo sunt, Morbus & reatus. Morbi vim ac veluti incendium iubemur extinguere, quod tum tandem poterimus facere, vbi Christum veré induerimus infracta fiducia in ipsum recumbentes: At reatum ipsum solus Christus tollit, in cuius locum succedit Christi iusticia credenti imputata. Iuxta illud. Eum qui non nouit peccatum, fecit peccatum, ut nos fieremus iustitia Dei in ipso.

Exterior mortificatio duo complectitur nempé patientiam sub cruce & temperantiam. Illa spei effectus est, hæc interioris mortificationis comes.

Porro huius mortificationis, quæ initium est regenerationis, hos habet gradus. Primus est, quod mentis errores de Deo, de prouidentia, de promissio-

missionibus & minis, adeoꝝ de ipsius  
Dei natura, voluntate & cultu, cor-  
rigat & prorsus iudicium carnis, &  
totum eiusdem Phronema in rebus sa-  
lutis extinguat. Est enim vt Paulus  
ait, sensus carnis inimicitia apud de-  
um.

Secundus quod motus aberrantes,  
& affectus inordinatos reprimat, ac  
veluti freno inhibeat, quos motus  
Paulus eleganti similitudine membra  
veteris hominis appellat: Nam vetus  
homo hoc est, ratio & voluntas deprava-  
tata; Perinde his motibus vtitur, ac  
corpus suis membris vti consuevit in  
actionibus suis.

Tertius, quod voluntatem auer-  
sam refrenet, vt non amplius rebel-  
lis & contumax sit aduersus Deum.

Quartus & vltimus, quod mem-  
bris externis corporis imperet, vt  
non postea, sicut antea fecerunt, pec-  
catrici naturæ auscultent.

B v

Atꝝ

Atque hactenus de mortificatione  
prima regenerationis parte, sequitur  
altera, quam Paulus viuificationem ap-  
pellat, quae quid sit, & quos habeat  
gradus dicendum est.

Est itaque viuificatio, nouæ vitæ  
manantis ex virtute resuscitati Christi  
per spiritum regenerationis excitatio.

Noua autem vita dicitur quia est su-  
per naturalis, nouæque creaturæ. Sic ap-  
pellata, Primum vt distinguatur ab  
vniversali vita, quæ motu duntaxat  
& sensu constat, cuius etiam partici-  
pes sunt bestiæ. Deinde etiam, vt dis-  
tinguatur a vita humana, qua sumus  
filii Adæ: Dicitur hæc noua vita etiam  
gratiæ vita, quia gratis electis commu-  
nicatur. Dicitur quoque vita Dei per  
excellentiam, quoniam tunc proprié-  
vit Deus in nobis, & nos fruimur  
eius vita, cum spiritu suo nos guber-  
nat. Dicitur & vita Christi Galata : 2.  
Viuo autem non amplius ego, sed  
vivit in me Christus. Quod autem  
nunc

nunc viuo in carne, in fide viuo filij  
Dei, qui dilexit me, & tradidit se ip-  
sum pro me. Hic Paulus discernit vi-  
tam qua corpus viuit animale, ab ea  
vita qua Christus in nobis viuit.

Vivit autem Christus in nobis du-  
pliciter, vna vita est quomodo partici-  
patione suæ iusticiæ nos donat, vt  
quando in nobis non possumus, in ip-  
so accepti simus Deo. Altera vita est,  
qua viuit in nobis Christus, cum nos  
spiritu suo gubernat, sanctificat, atq;  
actiones nostras omnes dirigit. Prior  
vita ad gratuitam iusticiæ acceptatio-  
nem, Posterior ad regenerationem, de  
qua hic potissimum agitur, pertinet.  
Neutra constare potest sine altera, tas-  
met si diuersæ sunt. Vtraq; præterea  
vita gratiæ dicitur, & est via ad vi-  
tam gloriæ, de qua Paulus colosse-  
sium 3. Et vita vestra abscondita est  
cum Christo, in Deo, ubi autem Christus  
appa-

apparuerit vita vestra, tunc etiam  
vos cum ipso apparebitis in gloria.  
Est autem imprimis obseruandum,  
quod hanc vitam cum Christo in Deo  
absconditam esse dicat, quibus verbis  
significat nostram vitam extra perie-  
culum esse, et si non appareat: Nam  
& Deus fidelis est, ideoque non abne-  
gabit depositum, nec fallet in suscep-  
ta custodia, & Christi societas maios-  
rem etiam num securitatem adfert.

Quid enim magis expetendum,  
quam vitam nostram manere cum ips-  
so vita fonte. Quare non est, quod  
terreamur, si vndeque circumspicien-  
tes vitam nusquam cernamus, spe  
enim salui sumus.

Ex his quidnam, & qualis fit vi-  
uificatio, quae regenerationis altera  
pars est, liquet: Nunc huius viuifica-  
tionis gradus considerandi sunt.  
Nam ut vita, qua viuiscatur animans  
habet suos, iuxta actiones animae, gra-  
dus.

Ita

Ita vita, qua fideles viuunt, actus  
osa est, ac suarum actionum (quas  
pietas veluti anima regit) quosdam  
gradus habet. ut igitur mortificatio-  
nis gradus suprā constituimus quatu-  
or, nempe mentis, affectuum, volun-  
tatis & externorum membrorum  
corporis: Ita hic quoq; (quia morti-  
ficationis & viuificationis eadem est  
relatio & proportio) eosdem con-  
stituamus gradus, ut hæc viuificatio  
cernatur in mente, in affectibus, in vo-  
luntate & externis actionibus. Men-  
tis viuificatio est, de qua Paulus E<sup>s</sup>  
phesiorū 4. Renouamini spiritu men-  
tis vestræ. Hæc renouatio mentis in  
eo sita est, ut deposita vanitate, mens  
vera intelligentia rerum diuinarum,  
de Deo, de cultu Dei, de salute per  
Christum parta etc: ita sit illustrata,  
& spiritu Dei certificata, ut non am-  
plius mens nostra fluctuetur, & circū-  
feratur quouis vento doctrinæ: Sed  
iuxta

iuxta psalmum, nocte dieq; versetur in  
lege dei, meditetur diuina, nihilq; ius-  
cundius & antiquius habeat, quam to-  
to vitæ suæ cursu in noticia doctrinæ  
cælestis proficere.

Deinde affectus purgandi sunt, ne-  
quid affectemus aut appetamus, quod  
lege dei nobis vetitū est. Sanctus Ma-  
ximus primo libro de charitate, pul-  
cherrima similitudine affectuum im-  
petus & incursiones describit his ver-  
bis: Quemadmodū passerculus pede  
alligatus, volare incipiens, in terram  
funiculo detrahitur; Sic mens hominis  
ad rerum cælestium cognitionem vo-  
lare contendens, ab affectibus deduci-  
tur, & in terram detrahitur. Quoni-  
am igitur omnia, quæ iniuste atq; im-  
probé fiunt, ab affectibus præsertim  
ira, cupiditate & libidine oriuntur,  
summo studio & conatu affectib⁹ re-  
luctandum est, vt ita effrænis cohi-  
beatur, vt cupiditas iniusta compesca-  
tur

tur, utq; libido fæda refrenetur. Et  
quia affectuum inordinatorum mater  
est Philautia ipsa omnium prima iugis  
landa est, & in eius locum euehendus  
timor domini, qui fons omnium bo-  
norum existit, veluti contra inordi-  
nati motus, qui oriuntur ab ipsa phi-  
lautia, omnium malorum sunt scatu-  
rigines. Hic enim Dei timor facit, vt  
ames quæ amanda sunt, expetes quæ  
expetenda sunt, fugias quæ fugienda  
sunt, læteris in rebus sanctis & salu-  
taribus, tristeris, cum aliquid contra  
Deum aut dilectionem proximi per-  
petratum sit, irascaris vicis, speres  
cum patientia hereditatem salutis  
promissam. Breuiter efficit hic timor  
Dei, vt sancte, iuste & modeste vitam  
totam transfigas.

Deinde reprimit etiam inordina-  
tos affectus vera poenitentia, abne-  
gatio sui, ardens inuocatio sedula uerbi  
diuini

diuini meditatio, in officio diligentia  
sancta, sobria vita, rerum carentium  
affectus fuga etc. Præterea quoniam  
non cessant unquam affectus prauis  
solicitare nos ad peccandum, etiam  
postquam regeniti sumus, debemus  
nos contra ipsos armare spiritualibus  
armis, ut primis motibus fortiter oca-  
curramus: Nam si affectui, ad bre-  
uissimum tempus, locum feceris, mox  
voluntatem secum trahit, ut ad asse-  
cutionem perueniatur.

Adhæc in voluntate quoque cerni-  
tur regenerationis vis, cum non am-  
plius auersa est a Deo, sed quæ recte  
mens iudicat, & cor pie affectat, ea  
prompta complectitur voluntas, quā  
voluntatem purgatam Eutaxia mem-  
brorum corporis, ut illa quoque puri-  
ficata appareant.

De partibus regenerationis satis  
dictum est, & earum gradibus: Nunc  
causarum ad spiritualem hanc rege-  
nationem concurrentium distinctio  
decla-

33.

declaranda est: Nam harum causarū confusio, maximorum errorum in to-  
ta Ecclesiae doctrina fons est.

Cum ergo in scriptura sancta di-  
cimur nunc a Deo nasci, nunc e spiri-  
tu renasci, Interdum per verbum, non  
nunquam per fidem, aliquoties per la-  
uacrum aquæ, seu per baptismum,  
Et interdum etiam per ministros E-  
vangelij, diligenter harum locutio-  
num rationes explicandæ sunt. Nam  
nequaquam eodem respectu, sine con-  
tradictionis implicatione, hæ locutio-  
nes intelligi possunt. Quare ex causa-  
rū diuersitate explicatio petenda est.

Primum itaq; recte dicitur, regen-  
erat pater, regenerat filius, regene-  
rat spiritus sanctus. Sicut enim Deus  
pater creavit mundum, & Deus spi-  
ritus sanctus creavit mundum: Ita  
idem unus & æternus Deus, pater, fi-  
lius & spiritus sanctus hominem pec-  
cato mortuum regenerat, sed seruata  
cuiuscq; personæ proprietate, hoc est,

C ut De-

ut Deus pater creauit mundum, per filium in spiritu sancto; Ita recte dicitur, Deus pater per filium, in spiritu sancto regenerat hominem. Pater enim autor & fons est, Filius medium & meritum, Spiritus sanctus vim suam exerit in homine, ac eum nouam creaturam efficit & conservat, Verum quia Deus ad id utitur sensibili instrumentis, ut sit regeneratione nunc verbo, nunc fide, nunc baptismo, nunc ipsis ministris tribuatur.

Verbum a Petro semen incorruptibile huius natuitatis nouae praedicatur, sicuti supra expositum est. Huius seminis vis ipse spiritus Dei est, qui in verbo praedicato est efficax.

Verum quia verbum praedicatum inefficax manet, nisi fidei fructum producat, qua fide Christus apprehenditur & possidetur, dicuntur credentes filij Dei esse, ut qui a Deo geniti sunt, Iohannes filios Dei praedicat fieri, qui Christum recipiunt, hoc est, qui firma

ma fiducia in eum recumbunt, ve-  
rum eosdem mox non ex carne, &  
sanguinibus, sed ex Deo genitos esse  
dicit. Dignatur ergo adoptionis ho-  
nore Deus eos, qui in filium credunt,  
sed quos suo spiritu iam genuerat,  
hoc est, quos sibi in filios formauit,  
suos tandem esse declarat. Nam si fi-  
lios Dei nos reddit fides, vnde ip-  
sa nobis detur considerandum est.  
Siquidem spiritualis seminis fructus  
existit, quo semine Deus nos in vitæ  
nouitatem regnabit. Proinde quod  
efficit spiritus, hoc verbum offert, atq; idem fides receptum declarat, id quod  
baptismus & figurat & obsig-  
nat. Dicimur enim renasci per bap-  
tismum, quando per spiritum renascis-  
mur, qui spiritus nobis aspectabili  
sacramento testatur, & obsignat re-  
nascentiam, & ablutionem animæ, per  
sanguinem Christi.

Sunt autem duo in baptismo con-  
sideranda, signum & res. Signum est  
**C** ij aqua

aqua & externa actio, Res est ablutio  
 animæ persanguinem Christi, carnis  
 mortificatio, & spiritus viuificatio si-  
 cuti supra dictum est. Diligenter igis-  
 tur ut inter signum & rem disting-  
 uendum est, ne hæreamus in externo  
 elemento: Ita rursus rem signatam a  
 signo nequaquam diuellere licet. Quod  
 autem saepe signum inefficax esse ap-  
 paret, id sit hominum culpa, Nam  
 ut verbum prædicatum, Ita sacramen-  
 ta, quæ sunt veluti aspectabiles conci-  
 ones, fidem requirunt, sine qua ins-  
 efficacia manent.

Hic tamen hominum abusus &  
 malicia nequaquam sacramenti naturam  
 tollit. Ne igitur separemus quæ a do-  
 mino coniuncta sunt, agnoscamus in  
 baptismo spirituale lauacrum, amplecta-  
 mur illud ut testimonium remissionis  
 peccatorum & renouationis nostræ pig-  
 nus. Ita tamen, ut relinquamus &  
 Christo & spiritui sancto suum hono-  
 rem, ut nulla pars salutis ad signum  
 transfeſſa

transferatur. Iam de ministris dicendum est, qui etiam spiritualiter homines gignere dicuntur, Paulus enim. *1 Cor: 4*, aperté ait, In Christo Iesu, per Euangelium, vos ego genui, & ad Gal: 4. Filioli quos iterum parturio, donec formetur in vobis Christus. Idem Timoth: scribens, germanum eum filium appellat. Proprium quidē dei est, quemadmodum aliquoties iam dictum est, spiritualiter gignere & parere, Sed quia instrumentis ad id vtitur, ministro, & prædicatione, quod suum est, illis adscribit. Propterea quod cum hominis opera spiritus sui virtutem coniungit. Ne igitur hic confundentur causæ, tenenda est hæc distinctio.

Sine Deo minister, nihil possest, Imo organon est inutile, verum cum efficaciter, per ipsum, spiritus sanctus operatur, transfertur etiam ad ipsum laus & titulus agendi. Sed tunc non agitur quid per se, aut se-

C in orsum

orsum à Deo, valeat minister, sed quid  
per illum agat Deus virtute immorta  
lis seminis. Quia igitur virtute verbi  
diuini (quod Petrus immortale eius  
nouæ nativitatis semen appellat) li  
beros Deo gignit, & eosdem eius  
dem verbi lacte & cibo pascit, edu  
cat, fouet, dicitur minister verbi pa  
ter eorum, qui ipsum audiunt, &  
spiritualiter gignuntur, Sed excellen  
tia potentiae dei est, & non ministri,  
apud quem semen hoc veluti thesa  
rus in vase depositus est.

Cum igitur thesaurus non à vas  
se commendatur, aut ab eo premium  
mutuatur: sed à thesauro vas, ipse  
minister hunc titulum & laudem ab  
ipso verbo, cuius preco est, habet, &  
non verbum ab ipso, hæc sint de cau  
sis concurrentibus ad spiritualem  
regenerationem dicta. Nunc quod  
Quinto loco propositum fuit excus  
ciendum est.

Etsi

Etsi autem unusquisque in seipsum descendens sentiat magnam infirmitatem, ad præstandum Deo verum obsequium, ac sæpe se carnis importunitate infestari experiat, adeo ut quæ non velit, ea agat. Sicut diuus Paulus iam iustificatus, & regeneratus de seipso conqueritur: Nequaquam tandem desperandum est, sed fiducia mediatoris animus fouendus & erigendus. Nam hoc opus Dei, quod est regeneratio, non eo, quo in nobis inchoatur die, simul etiam perficitur: sed paulatim augebit, & quotidianis incrementis ad finem perducitur. Nemo enim unquam repertus est, qui suam carnem penitus crucifixit, & se ita totum spiritus imperio subiecit, ut iam nulla sit peccati reliqua vis, quæ ipsum molestet. Nemo unquam inuentus est, qui ita spiritu iustificatus fuit, & se ita totum,

C iij a caro

ā carnis concupiscentiis vendicauit,  
vt iam plenum spiritui imperium, si-  
ne molestia, & quotidiana pugna, sit  
relictum. Hoc testantur multi erro-  
res in omnibus sanctis. Hoc testatur  
omnium sanctorum precatio ipsis a  
Christo domino commendata, qua  
quotidianos lapsus deprecantur. Hoc  
gemitus creber in electissimis Dei or-  
ganis conuincit. Dauid grauissimas  
suas tentationes habuit, & quotidiana  
ignorantiae delicta deplorat : Ab  
occultis meis munda me domine. Pau-  
lus clamat, Infelix ego homo, quis li-  
berabit me de corpore mortis huius.

Pugna Itaq̄ assidua manebit carnis  
& spiritus, donec manendum nobis  
est in hac mortalitatis conditione. Sed  
quid hic faciendum est :

Primum. Si christianus es, opor-  
tet in te signum apparere communis-  
onis cū morte & resurrectione Chris-  
ti, cuius fructus est, vt crucifixa sit  
caro tua, cum omnibus suis concus-  
piscen-

piscētūs, vt viuificatus spiritu, iam nouam vitam mediteris. Nec hæc communio ideo nulla est, si reliquias carnis viuere adhuc in te sentias, si spiritus plenum imperium non dum obtineat, adeo vt sine contumacia carnis, liberé feratur in Dei obsequiū, sed meditandum est assiduē eius augmentum, donec ad metam persuentum sit.

Deindé cum Paulo deploranda est hæc captiuitas, & pīs votis optandum, vt ab ea fœliciter tandem, iuxta voluntatem Dei liberari possis.

Tertio, Indies conandum est, vt maiora incrementa facias, & adolescas in Christo, vt cibo verbi Dei, & sacratissima cæna, corpore & sanguine Christi animam recrees & foueras. Nam vt inde alitur, ita etiam incrementa quotidiana capit.

Quarto, Non indulgendum est carni vnquam, sed statim tuborientes affectus proui iugulandisunt meditas-

C v tione

tione verbi Dei & oratione. Quem admodum Dauid iam post adulterium commissum in gratiam receptus & regenitus fecit. Iuxta illud, cor mundum crea in me Deus, & spiritum firmum innoua intra me, Ne proprias me a facie tua, & spiritum sanctum tuum ne auferas a me. Redde mihi laetiam salutis tuae, & spiritu spontaneo sustenta me, Hic Dauid regenitus iam petit incrementa, quae fieri non possunt, nisi intus nos mundificet spiritus Dei. Quemadmodum enim spiritu regeneramur: Ita eodem regeniti incrementa capimus, quod quomodo fiat tria spiritus Dei epipheta, quae hic a Dauide ponuntur declarant. Vocat enim eundem spiritum Dei primo loco firmum, Deinde sanctum, tum voluntarium seu spontaneum, Idque propter diuersos ipsius affectus in regeneratis.

Dicitur enim ideo hic spiritus firmus

fimus, quia nos firmos reddit, ne circumferamur quo quis vento doctrinæ, astu vel hominum vel diabolorum decepti: Sed ut constantes maneamus in verbo nobis tradito, nec unquam de benevolentia patris cœlestis qui nos in Christo charos habet, dubitemus. Deinde spiritus Dei sanctus dicitur a Davide, quia nos ut regenuit in nouos homines: Ita regenitos magis magisq; sanctificat, quo perpetuam sanctimoniam vitæ, moralumq; innocentia meditemur. Hunc sanctū spiritum petit David a se non auferri, hoc enim ablato, mox ruit homo in quævis scelera, prauis inhabitantis peccati concupiscentijs impulsus.

Tertio dicitur spiritus ultroneus, seu voluntarius, siue spontaneus, quia nos promptos et faciles reddit ad faciendum quod precipit Deus hæc enim spontanea obedientia, qua pluris facimus obedientiam erga Deum, quam omnia quæ. in mun-

in mundo sunt, certissimum ac plenissimum regenerationis testimonium est cui coniunctum est gaudium salutis, quæ a Deo est. Nam spiritus sanctus testimonium reddit spiritui nostro quod simus filii Dei & hæredes in Iesu Christo. Hinc exhortationes illæ Paulinæ: spiritu feruentes, Item spiritum nolite extinguere, & ad Timotheum: excita gratiam quæ in te est: Hæc dicta testantur quod postquam regeniti sumus, vires a spiritu Dei per gratiam instauratas habeamus, ut iam exerto pietatis, precibus & industria spiritum quo ferueamus in nobis ipsis excitare vel exitanti nos accommodare possimus. Nam ut igni iam succenso possumus ligna & foimenta supponere quibus magis ardet: Ita spiritus sanctus iam datus exercitio doctrinæ exhortationis, sumptionis cænæ dominicæ, assiduarum precum, meditationis in verbo Dei exercitari potest ut magis ferueamus qui autem

autem hoc exercitium negligunt, spiritum sinunt extingui.

Ex his quoque usus regenerationis facile intelligi potest, qui maxime in temptationibus cernitur. Solicitaris a carne, vt hoc vel illud, contra interdictum Dei facias. Hic cum Paulo responde: Si mortui sumus peccato quomodo viuemus in eo? Tentant te legis comminationes, quibus opponito Pauli dictum. Non sumus sub lege, sed sub gratia. Item nulla damnatio est ihs qui sunt in Christo Iesu. Sæpe suborientium affectuum molestiam sentis, qui spiritus imperium excutere conantur. At Pauli consilio hic obtempera, qui ait. Ne igitur regnet peccatum in mortali vestro corpore, vt illi obediatis in concupiscentijs suis. Tasmetsi enim peccatum in nobis residet, & sua promit edicta, per prauas concupiscentias, tamen nequaquam nobis nocebit, donec virtus sanctificationis emineat. Hæc enim nos veré esse membra

bra Christi testatur. Vexaris sub cruce, confugito ad pauli consolationem. Si cum illo patimur, cum illo quoque regnabimus. Si mortis tentatio te solicitat, huic medebitur pauli dictum, qui ait, nostra vita abscondita est cum Christo in Deo. Si metus extremi iudicij te turbat, consoletur te iudicis dictum. Qui credit in me non iudicabitur. Quomodo enim clientem suum patronus condemnaret? Breuiter ver sus huius sanctae regenerationis in eo consistit, ut iam securus de tua salute ea mediteris quotidie, cum pio voto, totam tuam vitam Deo approbandi, donec tandem resuscitatis corporibus, æterno fruamur Dei conspectu.

Porro finis regenerationis duplex est, propinquus, ut non amplius seruiamus peccato, sed iusticiae ita ut nostra vita, studia, actiones, eo destinentur ut toti in Christum transeamus quantum enim effecti sumus Christo similes, sumus renati, sed quo sumus illi  
dissimiles.

dissimiles non sumus renati sed in nobis veterem hominem retinemus. Ultimus finis est ut recuperata imagine Dei, in omni æternitate Deum prædicemus, fruentes æterna vita, perfecta & æterna læticia, summa quoque delectatione, in æterna regni Dei hæreditate, in qua tandem erit absoluta spiritualis hæc regeneratio, ubi non amplius molestabimur vitiosæ carnis concupiscentijs. Nam corruptibile hoc induet incorruptibilitatem, adeo ut non amplius geramus imaginem primi Adami, qui est de terra terrenus: sed secundi potius, qui est ex cœlo cœlestis, ut conformes simus Deo in omni æternitate, Iuxta illud Iohannis in primæ tertio. Charissimi filij Dei sumus & non dum apparuit quid erimus, scimus quoniam cum apparuerit, quod similes ei erimus, quoniam videbimus eum sicuti est. Et omnis qui habet hanc spem in eo, purificat se, sicut ille sanctus est.

Huc

Huc & illud Pauli pertinet. Nos spiritu ex fide spem iusticiæ expectamus. Hæc expectata iusticia non est aliud quam conformitas nostri cum Deo, habitatio Dei in nobis, absoluta dilectio, breuiter, plena sanctificatio.

Hæc de regeneratione necessariō admonenda duxi. Nam cum nemo nisi regenitus possit intrare in regnum Dei, profectō operæ pretium est, regenerationis doctrinam bene cognoscere, ut sciatur quæ sit eius origo, quæ natura, quæ partes, quæ notæ & effecta, quæ ad illam causæ concurrunt, quæ eius incrementa, quis usus, qui fines, quæ deniq; eius consummatio. Hæc omnia, quantum licuit hoc tempore explanauimus, scripturis & exemplis illustrauimus, ut constet, quam sit necessaria sanctificatio in iustificatis. Nam quemadmodum credentes iustificantur sola fide, qua possidetur obedientia Christi, quæ nostra est iusticia; Ita iustificati donantur

tur spiritu sancto, ut Christus sit illis  
quoque iustificatio, quod tum fit, quando  
virtute mortis morimur peccato,  
& virtute resurrectionis eiusdem no-  
uam vitam meditamur, ac nos spiritu  
Christi regi totos expetimus, sentien-  
tes vim spiritus Christi in nobis, cum  
non secundum carnem ambulamus,  
sed secundum spiritum.

Hec doctrina regenerationis mon-  
strat fontem, necessitatem ac verum  
finem honorum operum. Paulus Rom-  
6. Petrus primae primo & secundo.  
Eccl Dominus ipse Iohan : 3. hinc tan-  
quam ex fonte hauriunt Christiano-  
rum debitum officium esse, bonis stu-  
dere operibus, quo in hoc mundo ap-  
pareant noui homines, ut qui renati  
ex spiritu Dei, iam renunciarunt vete-  
ri homini, cum concupiscentijs eius.

Necessitas ergo bene operandi est  
consequentiæ. Nam qui regenitus est,  
qui spiritu Dei agitur, qui fide viui-  
ficatur,

ficatur, debet iam necessariō vitæ nouæ, quam viuit actiones ædere. Nam vbi apparent nullæ nouæ vitæ actiones, vbi nullus conspicitur fidei fructus, vbi motus spiritus nulli sentiuntur, Ibi planè nulla adhuc noua vita est, sed prorsus vetus homo, & vis peccati illic regnat. Proinde dicere, opera non esse necessaria, perinde est, ac si quis dicat, vitam animantis actuosaam non esse, Imo posse existere sine sensu & motu.

Hinc finis bonorum operum colligitur, nimirum, ut non amplius simus serui veteris hominis, sed noui homines effecti, Deo placere noua vita studeamus, ut homines conspicientes lucem nostram, hoc est, honestam & sanctam vitam, Deum nobiscum glorifcent.

Verum hic multi errores circa bona opera cauenda sunt, quorum præcipui sunt quinqꝫ.

Sunt

Sunt enim qui bonis operibus, in causis iustificationis, locum tribuunt.

Sunt qui tametsi in causis iustificationis opera non collocant, ea tamen necessaria ad salutem & vitam æternam prædicant.

Nonnulli supra modum, extenuant bené operandi necessitatem.

Quidam normam honorum operum, legem Dei siue decalogum in Ecclesiam Christi doceri nolunt.

Nec desunt, qui in locum operum,  
quæ Deus mandauit, humana somni-  
a substituunt, non sine maxima vnic  
legislatoris Dei contumelia.

Hi errores breuiter confutandi sunt. Quantum autem ad primum genus errorum attinet, sciendum est, quod eius sint quatuor formæ, Philosophica prima, Pharisaica secunda, Tertia sophistica, Quarta & postrema nuper nata Osiandrica.

D ij Phi

Philosophicus error est, quem parit imaginatio philosophica de iusticia Philosophia enim non nouit iusticiam aliam, quam quæ est qualitas in homine, seu hexis reddēdi vnicuiq; quod suum est. Non intelligit hominem imputatione alienæ iusticiæ iustificari. At hic error apertissimis oraculis Dei refutatur, David aperte clamat. Domine ne intres in iudicium cum seruo tuo quia non iustificabitur in conspectu tuo omnis viuens. Et Paulus Rom 1. propter hoc, ex operibus legis, non iustificabitur in conspectu tuo omnis caro. Et ad Gala 3. Quotquot ex operibus legis sunt, sunt sub maledictione. Item ad Gal 2 Si iusticia est ex lege, Christus frustra mortuus est. Hoc Pauli dictum validum argumentum continet, contra eos qui distinguunt inter opera, ceremonialia & moralia, & concedunt hominem per ceremonialia opera nequaquam iustificari, & contra ea tantum paulum disputationem institutus.

stituisse, Cum ad Romanos, tum ad Galatas, contendunt, & interim moralia opera in causis iustificationis numerant, Imo illis solis iustificari homines docent. Nam si homines iustificantur moralibus operibus, sequetur idem absurdum, nimirum, Christum frustrá mortuum esse. Ideo Paulus dixit. Si iusticia esset ex lege, vel tota, vel ylla eius parte, Christus frustra mortuus est. Præterea iusticia Christiana est obedientia solius Christi, sicuti Paulus apertissimè testatur ad Rom: 5. Sed Christi obedientia nequaquam est nostra operatio. Igitur iusticia qua iustificantur coram Deo, nullo pacto in nostris operibus posita est. Est igitur eorum dogma manifeste falsum, qui hominem operibus iustificari, philosophicè contendunt, iustificatione vitæ. Verum ad huius iustificationis declarationem, operum requiri iusticiam, hoc est, inchoatam obedientiam requiri, cum Iacobo agnoscimus.

D ij

Secund

Secunda forma erroris eorum qui opera inter iustificationis causas pos-  
nunt, Pharisaica est, quam describit Paulus ad Rom: 10. et simul confitat. Pharisei enim fide & operibus simul constare dicunt iusticiam, qua coram Deo iustificatur impius. Hæc forma admodum speciosa & plausibilis vide tur. Dicunt fidem iustitiae initium esse, & opera eiusdem complementum, Quorum errorem confutat paulus his rationibus, Rom: 10. Testificor enim il- lis, quod zelum Dei habent, sed non secundum scientiam. Ignorantes enim Dei iusticiam, & propriam iusticiam quærentes stabilire, iustitiae Dei non subiecti fuerunt.

Finis enim legis christus in salutem omni credenti. Hic paulus reiectionis iudæorum causas ponit, nempe quod voluerint & suam iusticiam, quæ est ex lege, & Dei iusticiam quæ est ex fide con-

de coniungere. Deinde Rom: ii. Si gratia non ampli<sup>o</sup> ex operibus, alioqui gratia amplius non est gratia. Si autem ex operibus, non amplius ex gratia. Alioqui opus non amplius est. Hic paulus Primum duas ponit propositiones immediate contrarias. Si ex operibus est electio & salus, non est ex gratia. Si ex gratia non ex operibus. Sentit igitur paulus iusticiam, qua Deo accepti sumus, non conflatam esse ex fide et operibus tanquam partibus seu causis, cum debitum & donum ita repugnant, ut neutrum de altero, nec ambo de tertio dici possunt. Aut igitur fide sola seu gratia iustificamur & saluamur, aut operibus. Sed operibus non iustificari quemquam, Paulus in eadem Epistola, capitibus, Tertio, Quarto & Quinto apartissimè ostendit. Deinde si iusticia christiana constaret fide et

D*iiij* operis

operibus simul, inepta erat argumentatio Pauli, Rom : 4. operanti merces non imputatur secundum gratiam, sed secundum debitum. At credenti in eum qui iustificat impium, imputatur fides eius in iusticam. Hic Paulus duas iusticæ formas ponit, quæ simul stare non possunt. Nam habent contrarias causas, fidei enim iusticia qua iustificatur credens, imputatur & gratia donatur. Sed operum iusticia nequaquam est gratuita. Præterea si una pars, fidei, altera pars operibus, in iustificatione hominis tribuenda esset, duo sequerentur absurdia. Vnū quod promissio fieret incerta, quæ certa esse debet. Alterū, quod Christi satisfactio non satisfecerit, nisi stabiliretur nostris operibus. Quare Augustini dictum amplectamur, qui dicit, gratia est nullo modo, nisi gratuita omni modo.

Sophistica forma quam tertio loco, in primo genere posui, admodum est tor

est tortuosa, nec se eodem modo ha-  
bet: sed serpentis instar in multas  
species & catastrophas se torquet.  
Nam sophistæ ut illudant veritatem  
Dei, varias sine verbo Dei, excogitant  
distinctiones, quibus veritati tenebras  
offundere conantur. Quidam com-  
menti sunt opera, quæ vocarunt me-  
rita de congruo, digno & condigno,  
quidam adminicula iusticiæ in antece-  
dentibus, coniunctis & consequenti-  
bus operibus statuerunt. Nonnulli  
his non contenti, supererogationis fig-  
menta excogitarunt: Atq[ue] alij alia  
monstra pepererunt, priusquam au-  
tem quid sibi velit meritum congrui,  
digni & condigni, exponam quasdam  
demonstrations colligam quæ omnia  
merita humana in genere, euertant,  
ut sophistica ista figura sponte cor-  
ruere videantur.

Prima, Iusticiam consequimur per  
remissionem peccatorum, at hæc dos-  
num Dei Rom: 3. Igitur non est nos-

D v                   stri

stri meriti. Nam meritum & donum contrarias causas habent.

Secunda. Si iusticia esset ex meritis operum, non exclusa esset gloriatio, at hæc exclusa est. Rom: 3. Igitur ex meritis non est iusticia. propositio probatur, quia tantum gloriationis quilibet haberet quantum meritorum.

Tertia. Quicunq� operatur, accipit mercedem non ex gratia, sed ex debito. At qui fide iustificatur, accipit iusticiam ex gratia, non ex debito: Igitur non ex nostris meritis pendet iusticia. Roma: 4.

Quarta. Quemadmodum per insobedientiam vnius hominis peccatores sunt multi constituti: sic per obedientiam vnius multi constituuntur iusti. Rom: 5. Quis igitur non videt excludi meritum?

Quinta. Quod impossibile erat legi, eo quod per carnem infirmabatur hoc prestitit Deus, misso filio in similitudine

tudine carnis peccati, & pro peccato,  
damnauit peccatum, vt in nobis iustis-  
ficatio legis impleretur. Rom: 8. Igi-  
tur impletio legis non est in nobis sed  
quod Christo proprium est, nobis im-  
putatur, quare penitus omnia exclus-  
duntur merita.

Sexta. Si per legem est iusticia,  
Christus frustra est mortuus: Eset sa-  
ne per legem, si ex meritis esset. Qua-  
re cum lex excluditur a iusticia, meri-  
ta quoque excludi necesse est.

Septima. Paulus ad Philip 3. Ita  
ait de seipso, verum quae mihi lucro  
erant, ea existimauit, propter Christum  
iacturam, quinetiam omnia existimo  
iacturam, propter eminentiam cogni-  
tionis Christi Iesu domini mei, prop-  
ter quem omnium iacturam feci, &  
existimo reiectamenta esse, vt Christo  
lucrificiam, & inueniam in ipso, non habes  
meam iusticiam, quae ex lege est, sed quae  
est per

est per fidē Christi. Hinc duo coliguntur, non posse stare iustitiam legis, ut partem aut causam, cum iusticia fidei. Deinde longe aliam esse fidei, quam legis iusticiam. Quare cum ex meritis dicitur iusticia christiana esse, mera est insania. Hæ demonstrationes et si satis omne meritum, quocumq; tandem nominetur nomine, destruunt: Tamen Sophisticam distinctionem supra notatam, definitionibus illorum abhibitis, adiungam & refutabo: Vocant itaq; meritum congrui, in quo peccator dicitur gratiam mereri, dum ad gratiam se disponit. Siue quo impius meretur in gratiam recipi, quando facit quod in se est, & hoc tribuunt illis operibus quæ reuera non merentur salutem ex sua natura, nisi quantum ex bonitate Dei illis promittitur, rigore & acerbitate iuris remissis, & definiunt ea esse morales actiones, quæ a multis fiūt ante iustificationē, hoc ergo meritum non renatis, sed inimicis Dei tribu-

tribunt. Quod etsi supra in destrucciōne meriti in genere refutatum est, in specie tamen hisce Quatuor rationib⁹ refellitur. Prima, ante regenerationem sumus filij iræ, & non percipimus ea, quæ sunt spirit⁹ Dei. ad Ephes. 2. Et i ad Corinth. I. Tales quæso quid mereri nisi mortem possunt?

Secunda. Non conuersus viuit secundum carnem, quia spiritu destituitur, iam sensus carnis inimicitia est, coram Deo. Quid ergo inimicitia merabitur nisi damnationem?

Tertia, ante regenerationem sumus malæ arbores, quæ iuxta sententiam Christi, non possunt, nisi malos producere fructus, ubi ergo meritum congrui?

Quarta, impossibile est placere Deo sine fide, & quicquid non est ex fide peccatum est. Proinde cum non regenitus fidem non habeat, atq; ideo Deo non placeat, quale quæso congrui meritum habere poterit?

Merio

Meritum digni iuxta sophistas est,  
in quo vir iustus pro alio orans mere-  
tur exaudiri. fateor ego sané, virum  
fide iustum efficaciter pro alio orare  
posse, quia & mandatum & promissi-  
onem habet, sed ipsum sua dignitate  
quicquam mereri pernego. Non enim  
in suo nomine quicquam petit iustus,  
sed in nomine Christi precatur & ex-  
auditur, iuxta promissionis verbum,  
quicquid petieritis patrem in nomine  
meo hoc dabit vobis.

Meritum ex condigno est, cuius  
causa omnino debetur merces, seu est  
meritum pro quo exigitur præmium  
ex debito. Hoc ascribunt operibus  
quæ a p̄hs fiunt post regenerationem.  
Porro hoc debitum duplex faciunt,  
pacti & rigoris iusticiæ. Verum quic-  
quid ex pacto p̄hs promittitur, mer-  
cedis quidem nomine promittitur,  
quæ est compensatio obedientiæ seu  
crucis, sed meritum nusquam in scrip-  
tura

tura inuenitur. Huc accedit quod ad meritum condigni requiratur proportionio æqualitatis meriti ad præmium. Lucæ 17: sic ait dominus. Cum omnia feceritis quæcunq; præcepta sunt vobis, dicite inutiles serui sumus. Esai: 64. Quasi pannus menstruatæ, vniuersæ iusticiæ vestræ. Et Rom: 8. Non sunt condignæ passiones huius temporis, ad futuram gloriam quæ ruelabitur erga nos.

Iam eorum quoq; errores facile diluuntur, qui opera antecedentia fidem, coniuncta cum fide, & eandem consequentia in causis vel partibus iustificationis collocant. Si antecedentia fidem opera requiruntur ad iustificationē, aut bona aut mala requiruntur. Mala autem nequam requiri, in confessō est. Nulla autem bona sunt, Si Christo credimus, qui ait, non potest mala arbor bonos fructus edere.

edere. Et quicquid ex carne natum  
est, caro est. Nec coniuncta requirun-  
tur, ut partes aut causæ ad iustificati-  
onem. Quia Paulus de reiectis iudæis  
ait: volentes stabilire propriam iustici-  
am, iusticiæ Dei non fuerunt subiecti.  
Huc facit integra disputatio Pauli in  
Epistola ad Rom : Itē ad Gala; 2. 3. 4.  
capitibus. Præterea consequentia ope-  
ra non requiri ad iustificationem, ex  
eo patet, quia tum effectus esset sua  
causa prior, aut pars suo toto posteris-  
or, quo nihil absurdius fingi potest.  
Peræqué absurdum est, quod dicunt,  
bona opera esse formam iusticiæ, quia  
fides per charitatem agit, & fides sine  
operibus, a Iacobo mortua dicitur.  
Quasi verò vel corpus animæ forma  
propterea dici debeat, quia anima per  
corpus agit, vel fides vera possit sine  
operibus esse , quam cum Iacobus  
mortuam sine operibus facit, ex eoru  
hypothesi loquitur, qui noticiam histo-  
riæ nudam pro viua, & efficaci fide  
iactas

iactarunt, cum tamen eius vis non  
conspiciebatur in externis moribus.  
Horum errorem confutat Iacobus.  
Porro illi, qui supererogationis opera  
iactant, hac refutantur demonstratio-  
ne. Quæcunq; opera sub lege Dei com-  
prehenduntur, falso vocantur supe-  
rerogationis. Nam omnia sunt debita  
iuxta illud, quod scriptum est. Cum  
omnia feceritis, quæ præcepta sunt,  
dicite, inutiles servi sumus, quod des-  
huimus facere fecimus. At qui nullum  
opus bonum est, nec Deo acceptum,  
quod lege Dei comprehensum non sit.  
Sunt enim duo ordines honorum ope-  
rum. Aut enim ad Dei cultum, aut  
ad charitatem proximi referuntur.  
Nullum autem ad Dei cultum perti-  
net, quod non continetur sub hoc cap-  
ite, dilige dominum Deum tuum.  
Et nullum etiam officium est charita-  
tis, quod non requiratur illo præcep-  
to. Dilige proximum tuum sicut te-  
ipsum. Cum ergo isti opera superero-

E

gatis

gationis vocant opus consilij, vel quod  
fit ultra id quod quis debet satis ostendunt  
hac sua definitione, quod nec  
sub cultu Dei, nec sub charitate pro-  
ximi continetur illud opus, quod illi  
supererogant. Quod autem Samari-  
tani dictum ad hospitem huc torque-  
ant, violenter faciunt. Non enim vas-  
let alegoria, ubi facem apertæ scriptu-  
ræ non sequatur.

Quod autem Paulus abstinuerit  
a stipendio, quod licuisset, iuxta ordi-  
narium pastorum vocationem acci-  
pere, in eo nibil facit Paulus, quod  
non debuerit, debuit autem, quantum  
in se fuit cauere offendiculum, quod  
& vera Dei dilectio & charitas pro-  
ximi requirit. Quare non est, quod  
facto Pauli suum stabiliri errorem exis-  
timent.

Iam ad sententiam Osiandri ve-  
niamus, qui iusticiam Christianam  
dicit esse essentialem Dei iusticiam in  
nobis

65  
rod  
ten  
nec  
ro-  
illè  
ari-  
que  
vas  
otu-  
terit  
ordi-  
acci-  
uod  
tum  
uod  
pro-  
uod  
exis-  
i ve-  
nam  
m in-  
nobis

66 42  
nobis cum tamen apertissimis Pauli  
verbis constet, eam iusticiam, qua ius-  
ti sumus coram Deo, non esse aliud  
quam obedientiam Christi. Sic enim  
ait Paulus Rom: 5. Per obedientiam  
vnius iusti constituentur multi. Obe-  
dientiam intelligit Paulus, ut seipsum  
interpretatur Philip: 2 Qua humilia-  
uit seipsum, & factus est obediens us-  
que ad mortem crucis. Hanc Christi ius-  
ticiam seu obedientiam dicit Paulus  
imputari credentibus. Ergo non est  
illis vel inhærens substantia vel quali-  
tas, qua formaliter homo sit iustus.  
Quare firmiter tenenda est hæc assevera-  
ratio, quod iusticia Christiana sit obe-  
dientia filij imputata credenti. Ve-  
rum interea & hoc tenendum est,  
quod scriptura triplicem iusticiam  
nobis commendet, quarum Prima  
fidei est, qua consistimus coram Deo  
& hæc est perfecta, ut Christi obe-  
dientia est perfecta. Nec minuitur aut  
E. ñ auge-

augetur decremento aut incremento fidei. Nam hanc plenā habuit & Magdalena & Petrus, tametsi petri fides fuit multo illustrior.

Alia est iusticia, quæ dicitur inchoatio obedientiæ, seu nouitas vitæ, quam vulgō bonæ conscientiæ iusticiam appellare solemus. Hæc non opponitur iræ Dei, quia non est perfecta legis obedientia, sed solomodo sanctificationis in credentibus initium est.

Alia est iusticia quam non consequimur in hac mortali vita, sed eam expectamus de qua Paulus ad Galatas. Nos spiritu ex fide spem iusticiæ expectamus. Et Iohannes in Primæ tertio. Charissimi filij Dei sumus, & nondum apparuit, quid erimus. Scimus quoniam quando apparuit, similes erimus, quoniam videbimus eum sicuti est, & omnis qui habet hanc spem, in eo purificat se, sicuti ipse sanctus est. Hæc proinde iusticiæ erit conformitas nostri cum Deo, habitatio Dei in nos.

7.  
fi  
g  
des  
ip  
10.  
x,  
tit  
pa  
ec  
nc  
est.  
ise  
am  
ala  
ciæ  
ter  
on  
nus  
sei  
si  
em,  
est.  
mi  
Dei  
no

58. 43  
in nobis, plena fruitio Dei, absoluta  
dilectio.

Quamquam autem fatendum est,  
corda credentium esse templa spiri-  
tus sancti. Et Christus dicit Iohan-  
ni: 14. Si quis diligit me, sermonem me-  
um seruabit, & pater meus diligit  
eum, & ad eum veniemus & man-  
sionem apud ipsum faciemus: Ta-  
men ex eo non sequitur, hanc habi-  
tationem Dei, in nobis, esse iusticiam,  
qua consistimus coram Deo, sed est  
præsentia diuina, in nobis per quam  
magis magis renouamur, & con-  
solationem sentimus, ac vitam æter-  
nam inchoamus. Nam si hic homines  
iustificarentur iusticia essentiali, non  
esset descremen inter iusticiam, qua in  
hac vita sumus iusti, & eam, qua  
conformes erimus Deo, in omni eter-  
nitate. Sed Paulus manifeste discer-  
nit inter hanc & illam, Nam fidei ius-  
ticiam dicit, nos nunc in hac vita  
**D**omini habere,

habere, sed expectare aliam iusticiam,  
qua similes Deo erimus, quæ similitus  
do inde emanabit, quod videbimus  
eum, sicuti est. Hæc sint dicta de ïs,  
qui bonis operibus in causis iustifica-  
tionis locum tributunt. Nunc ad se-  
cundum errorum genus transeamus.  
Sunt enim, qui tametsi in causis iustifi-  
cationis bona opera non numerant,  
ea tamen necessaria ad salutem & vi-  
tam æternam prædicent. Quanquam  
autem opera omnino necessaria esse  
in conuersis, ex dictis manifestum est,  
tamen diligenter cauendum est, ne ita  
necessitas doceatur, ut videatur ne-  
cessitas salutis consequendæ in operis  
bus statui. Nam dicere, opera necessas-  
ria ad salutem & vitam æternam, mo-  
do proprietas sermonis seruetur, est  
dicere, opera causas & merita salutis  
esse. Verum huius propositionis autor  
id nequaquam voluisse videtur. Sed  
hoc potius, vidi frigere studium bene  
operandi inter homines, quemadmo-  
dum

69  
m,  
tua  
nus  
ns,  
ca  
se  
us.  
isti  
nt,  
vi  
am  
esse  
est,  
ita  
ne  
eri  
ssa  
mo  
, est  
utis  
itor  
Sed  
bene  
no  
lum

70

44

dum & Iacobus suo tempore, at cum  
huic malo mederi vellet, opera omnis  
no ad salutem & vitam æternam ne  
cessaria defendere cœpit : cum tamen  
ista hyperbole nihil aliud voluerit au  
thor eius propositionis, pius & doctus  
quam opera necessariō cohærere fidei,  
sine qua nemo saluatur, & consequi  
tur vitam æternam. Quæ sane senten  
tia verissima est, fieri enim non potest,  
vt fides destituatur bene agendi stu  
dio. Etsi autem hanc sententiam &  
interpretationem libenter cum illo re  
cipimus, tamen istam loquendi ratio  
nem omnino reñcimus, nec volumus  
cū illo dicere, opera esse necessaria ad  
salutem & vitam æternam. Cur autē  
ab ista propositione abstinendū esse iu  
dicamus, grauissimas habemus causas,  
quarum prima est, quod illa propo  
sitio propriissime accepta pugnet cum  
fundamentis ac primis axiomatis fidei  
nostræ. Quare vt falsa : Ita omnino  
absurda.

R. 13

71.

absurda & fugienda est. Nam illud  
proprié necessarium ad aliquid dici-  
tur, quod est propria & necessaria  
causa alicuius, ut sit. Iam autem ex  
Paulo constat, quod opera hominum  
nec sunt causæ salutis, nec vitæ æternæ.  
Paulus enim Ephesorum 2. de salute  
ita ait. Gratia saluati estis per fidem  
(& hoc non ex vobis, Dei donum est)  
non ex operibus, ne quis glorietur. nec  
dubium est, quin Paulus totius no-  
mine omnes eius partes complectatur.  
Cum igitur salutem nominat, non so-  
lum iustificationem sed etiam glorifi-  
cationem intelligit, quæ duæ salutis  
partes sunt.

De vita æterna ita ait Paulus Rom: 6  
Donum Dei est vita æterna in Christo  
Iesu domino nostro.

Secunda causa est impro prietas.  
Nam cum ex priori causa constet, pro-  
prié non posse accipi illam propositi-  
onem, fugienda est tanquam impro-  
pria.

Et fi

71.  
ud  
ici-  
ria  
ex-  
im-  
iae.  
ute  
em  
st.)  
aec  
noa-  
tur  
so-  
ifi-  
itis  
n:6  
sto  
ob  
as.  
pro  
iti-  
ro-  
t fi

72 45  
*do* Et si autem multæ sunt locutiones in scriptura & in sanctis patribus figuratæ, tamen omnino impropriæ descendæ non sunt. Non enim impropriæ sunt, quo ad verum intellectum attinet. Nam sunt veluti picturæ orationem aliquo tropo aut schemate orantes.

At hæc oratio, opera sunt necessaria ad salutem, & vitam æternam, cum nullo tropo excusari possit, quin secundum verum intellectum, impropria sit, merito fugienda est.

Tertia causa est periculum in ruidoribus. Nam hæc propositio a ruidibus audita, tanquam brevis gnoma retinetur, ac ita in desperationem hominem legis comminationibus tentatum facile adigit. Quare ne quis periclitetur hac noua loquendi forma deceptus, periculi ratio merito habenda est.

Quarta causa est quod hæc locutio proprié accepta consolationem

E v

Euan-

Euangelium tollit, & non parum ob-  
scurat beneficium mediatoris, cuius  
solius merito & virtute saluamur &  
vitam consequimur æternam.

Propter has causas, profuerit ab  
ista loquendi forma, falsa, impropria,  
periculosa & quodammodo in sanguis-  
nem mediatoris contumeliosa, si mo-  
do orationis proprietas seruetur. Cum  
igitur propter enumeratas causas, au-  
tor huius propositionis ab ea iam ab-  
stineat, à fratribus admonitus, merita-  
tō laudandus est, vt qui animaduerso  
periculo, pluris salutem Ecclesiæ fece-  
rit, quam vt eam aliqua impropria &  
incommoda loquendi ratione offens-  
deret.

Tertius error sequitur, qui eorum  
est qui nimium extenuant benē ope-  
randi necessitatem, cum ex scriptura  
necessitas benē operandi multiplex  
colligi possit, vt est conuersionis & re-  
generationis; Deinde necessitas man-  
dati

73.  
b-  
ius  
&  
ab-  
ia,  
ui-  
no-  
im  
au-  
ab-  
ri-  
rso-  
ce-  
&  
en-  
um  
pe-  
ra-  
lex  
re-  
an-  
lati

74  
dati Dei, cultus debiti Deo, fidei re-  
tinendæ, & vitationis pœnarum.

Necessitas conuerisionis inde com-  
probatur, quod dominus apud pro-  
phetam dicat, Viuo ego, nolo mor-  
tem peccatoris, sed ut conuertatur,  
& viuat. Hic coniungit dominus con-  
uerisionem & vitam qua viuificatur  
conuersus ad Deum per veram pœni-  
tentiam: Nam cum fit conuersio, si-  
mul viuificatur homo fide, per spiri-  
tum sanctum, quæ viuificatio nunquā  
a conuersione separari potest. Nec  
hæc viuificatio aliud est, quam incho-  
atio nouæ vitæ (cuius vitæ actiones  
sunt opera legi Dei congruentia)  
noua lux, sapientia, iusticia, & reno-  
vatio imaginis Dei in nobis. quis non  
videt, hanc conuerisionis & regene-  
rationis necessitatem maximam esse,  
ut merito culpandi sint, qui nimis le-  
uiter de bené operandi studio docent  
& contionantur. Deinde cogitetur  
necessitas

75

necessitas mandati, quæ est, quod Deus  
obedientiam erga suam legem serio  
& sevère mandat in præceptis, inquit,  
meis ambulate. Et Paulus. Hæc est  
voluntas Dei. Sanctificatio vestra.

Huc accedit necessitas cultus debiti  
Deo. Rom: 8. debitores sumus Dei  
non carnis. Non enim nostri iuris sum  
mus sed eius qui redemit nos suo sanguine.

Quarto loco cogitetur necessitas  
fidei retinendæ. Si quis inquit Paulus,  
suum & maximè domesticorum cuius  
ram non habet, fidem abnegat & est  
infideli deterior. Et rursus, Militia mi  
litiam honestam, habens fidem & bo  
nam conscientiam, quarum neutra re  
tineri potest, dum quis sciens & volens  
in peccata ruit.

Postrema necessitas est ut vi  
tentur pænæ, iuxta illud Davidis.  
propter iniquitatem corripis filios ho  
minum. Huic multiplici necessitati ac  
cedunt duxæ aliæ grauissimæ causæ,  
nempe

nempe dignitas & præmium. Dignitas in hoc sita est, quod homo conversus, factus sit noua creatura, nempe filius Dei. Iuxta illud, dedit dignitatem hanc, ut filii Dei fierent, quanto credunt in illum. Quanta queso dignitas, quod credentes sint templum spiritus sancti viuentis, quod Christus in ipsis habitat, per fidem, quod pater filius & spiritus sanctus ad illos veniant, & in eis mansionem sibi deligantur. Contra perpendendum est, quantum sit scelus, filios Dei imaginem hostis referre, quantum periculum sit templum Dei Sathanæ fætore conspurcere ac prophanare, quam denique immagine sit, Deum e suo hospitio exturbare. Quare filios Dei decet imitari cælestem patrem, qui dicit. Sancti estote quia ego sanctus sum, hinc Paulus dicit nos vocatos ad sanctificationem non ad immundiciem.

Altera causa est præmium, hoc est compensatio pacientiae & obedientiae creden-

credentium. Quod sane præmium  
non datur, propter operis in se qua-  
litatem, sed propter paternam cle-  
mentissimi patris promissionem eamq;  
gratuitam.

Deinde ad acre bené operandi  
studium inuitabunt nos promissiones  
diuinæ, quæ bonis operibus passim  
in scripturis adhiciuntur. Etsi enim bo-  
na opera piorum sunt & debita ser-  
uorum officia, & multis modis, omis-  
sione & commissione contaminata:  
Tamen deū ihs promissiones, ob multas  
adiecisse causas sciendum est, quo ma-  
gis exitemur ad bené operandi stu-  
dium: Causæ autem precipuae cur  
Deus bonis operibus paternas suas  
promissiones adiecerit, quinq; nume-  
rari posunt. quarum Prima est, vt  
sint testimonia prouidentiæ Dei, vult  
enim Deus nos scire, & bona corpo-  
ralia, res esse ab ipso creatas, & non  
casu spargi, sed ab ipso, Ecclesiæ da-  
ri & conseruari. Iuxta dictum.

Ipse

ipse est via tua, & longitudo dierum  
tuorum, in diebus famis saturabun-  
tur. Diuites esurierunt, timenti au-  
tem Dominum non deerit ullum  
bonum. Esurientes implevit bonis, &  
diuites dimisit inanes.

Secunda ut sint testimonia, quod  
Deus velit etiam in hac vita seruare  
Ecclesiam. Quare Paulus i Timoth  
4. inquit, Pietas habet promissiones  
præsentis vitæ & futuræ, Quia enim  
vult Deus immensa sua bonitate, col-  
ligere Ecclesiam, propter filium me-  
diatorem, seruat hunc naturæ ordi-  
nem, secundat terram, ut alat Eccle-  
siam in hac vita. Et cum propter  
Ecclesiam ceteros pascat, nos qui ci-  
ues Ecclesiæ sumus, precipue gratos  
esse decet.

Tertia, quia vult Deus, necessi-  
tatem corporalem esse commonefa-  
tionem de fide, invocatione, spe, gra-  
tiarum

79

tiarum actione, Ideo promissiones edidit, & quidem vult hæc ipsa bona fide peti & expectari, & in hac petitio[n]e & expectatione, fidem, spem, patientiam & cæteras virtutes crescere.

Quarta. Ut sint commonefactio[n]es de promissione gratiæ. quia fidem quæ agnoscit filium & accipit reconciliationem, oportet semper præluteare in petitione corporalium rerum, & quidem propter filium, ceteræ promissiones edite & rate sunt. Hæc omnia comprehenduntur in dicto, quicquid petieritis patrem in nomine meo dabit vobis.

Quinta. Quia Deus vult nos utrumq[ue] scire, & Ecclesiam cruci subiectam esse, & eandem inter ipsa pericula mirabiliter seruari in hac vita, contra furores diabolorum & impiorum hominum, qui perpetuo se Ecclesiæ Christi, quæ admodum exigua est in hac vita, se opponunt, quam Deus nihilominus mirabiliter seruat,  
ut vni-

ledis  
a fi-  
titia-  
pas-  
ere.  
tio-  
dem  
con-  
uces  
n, &  
pros  
Hec  
sto,  
nine  
tab  
v-  
uba-  
pea-  
ita,  
ipi-  
Ec-  
gua-  
am-  
rat,  
ni-

vt vniuersa admiranda, Ecclesiæ conseruatio, & omnes miraculosæ liberationes sint testimonia præsentia Dei in Ecclesia, vt dicitur Numerorum 14, vt sciant Ægypti, quod tu Domine sis in hoc populo. Iosuæ 3, scietis quod Dominus Deus in medio vestri sit. 1 Reg: 17 vt sciat omnis terra quod sit Deus in Israel, Esaia 37. Ecce nunc Domine Deus salua nos de manu Senacherib, vt cognoscant omnia regna terræ, quod tu solus sis Dominus.

Atq; hæc dicta sunt aduersus erorem eorum, qui nimium extenuant bené operandi studium, & importunis hyperbolis in multis augent securitatem carnis quibus opponamus necessitatem bené operandi, causas & promissiones, quæ sine grandi sacrilegio contemni non possunt. Iam ad Quartum errorem accedamus, qui est eorum qui normam bonorum operum, legem Dei siue de-

E calogum

calogum reñciunt, asserentes ipsum ad  
renatos minimé pertinere, quorum er-  
ror apertissimis scripturæ testimonij  
refellitur.

Primum itaq; cum decalogus ni-  
hil aliud sit, quam certa, immota, & ex-  
pressa Dei volūtas, perpetuaq; iusticie  
norma, qua clarē & perspicuē com-  
prehenditur & promulgatur, quid ius-  
tum & iniustum sit, & quid Dei cul-  
tores perpetuō agere aut omittere de-  
beant, magnus furor est, hanc iusticiæ  
diuinæ normam abh̄cere. Tametsi au-  
tem, per Mosen, certo tempore, deca-  
logus est promulgatus: Tamen mani-  
festum est legem ipsam ab ipsa mundi  
origine patefactam fuisse. Nam & ipsi  
patriarchæ, qui ante Mosen vixerunt,  
Verum Deū coluerunt, Idololatriam  
damnantes, parentes honorandos esse  
docuerunt, prohibuerunt cædes, libi-  
dines, furtæ, & prauas cupiditates,  
quæ omnia decalogi præceptis, tam-  
quā aptissima Epitome continentur.

Nec

50

Nec alio modo vult Deus coli a populo noti Testamenti, quam olim in veteri colebatur, perpetuo enim dilectionem erga se requirit, vultque ut mutua officia ex fide inter se homines colant. Cum igitur decalogus sit perpetua vietæ regula, qui eum abhiciunt, Deum ipsum legis authorem abhiciunt. Quis enim non videt, cum obedientiam æternam esse deceat, legem obedientiæ regulam perpetuam quoque esse oportere? Deinde cum vita Christiana esse non possit, sine perpetua quadam pænitentia, qua & dolemus ob admissa a nobis peccata, & desiderio ardenti capimur nostram totam vitam ad voluntatis Dei regulâ conformare: quis non vides legis doctrinâ omnino in Ecclesia Dei retinendam esse. Quæ enim pænitentia esse potest, sine peccati agnitione? Vnde quæso agnoscitur peccatum? An non Paulus aperte clamat, per legem est agnitus peccati? Concupiscentiam peccatum esse non scirem, nisi lex diceret,

F. ñ non

non concupisces. Agnitionem ergo peccati nolunt qui legem tollunt: Imo volunt homines secure viuere sine poe nitentia. Huc accedit authoritas Christi qui & legem ipse interpretatus est & suos Discipulos ad legem, tanquam ad vitæ pié transigendæ normam mis sit. Paulus similiter legem paedagogum ad Christum docet, & iustificatos fide ad legem vitæ regulam mittit asserens finem legis charitatem esse, ex corde puro, conscientia bona, & fide carente hypocrisi. Breuiter Paulus ex lege agnitionem peccati petendam monet, & vitæ piæ regulam in eadem statuit. Præterea cum dominus dicit, Spiritus sanctus arguet mundum de peccato, significat vocem legis debere in Ecclesia sonare, vnde homines in peccati & meritæ damnationis sensum veniunt, vt possentia fide iustificati, cultum Deo iuxta legis normam, præstare incipient.

Verum cum isti legis hostes obiiciunt,

unt, legem obolitam & abrogatam  
esse, idq; non secundum vnam aliquam  
partem, sed secundum totam legem  
intelligendum esse. Respondeamus id  
non simpliciter & omnino verum esse,  
In lege enim morali ( de qua hic agi-  
mus: Nam cæmoniale omnino,  
& iudiciale, quatenus non est natu-  
ralis, abolitam esse fatemur ) Duo con-  
sideranda sunt. Primum ipsa doctrina  
in se. Deinde rigor & appendix legis.  
Quantum autem ad doctrinam attin-  
et, Decalogus est perpetua voluntas  
Dei regula, quæ nunquam abroga-  
bitur. Semper enim Deus requirit di-  
lectionem erga se & erga homines, in  
quibus duobus capitibus obedientia  
legis posita est. Verum quantum ad  
rigorem & appendicem legis attinet,  
credentibus & iustificatis fide, lex ab-  
rogata est. Nulla est damnatio ihs qui  
sunt in Christo Iesu. Non enim sub le-  
ge sunt, hoc est, sub maledictione, sed  
sub gratia, hoc est diuina misericordia

F in prop.

pter filiu cōdonatū est iſis peccatū.  
Quintum errorem eorum esse diximus, qui in locum operum, quæ Deus mādauit, humana ſomnia, & humanas traditiones Ecclesiæ Dei obtrudunt. Quemadmodum olim pharisei, & hodie papistarum factio impudenter facit, contra manifestam vocem Dei, Iesu remiæ 33. Speculatorēm dedi te domui Israel, audiens ergo ex ore meo sermonem anuncias ihs ex me. Ezech: 30. In preceptis meis ambulate, & iudicia custodite, & facite ea. Eſaiæ 48. Ego Dominus Deus tuus docens te vtilia, ambulare faciens te in via qua abulas. Hęc testimonia manifeste conuincunt, legē Dei prescribere ea opera, quę Deus a nobis requirit. Verum si quis ob̄iectat Ecclesiæ authoritatem, ac dicat ea opera quę Ecclesia prescribit, hoc est, traditiones papæ & Episcoporum nequaquam contemni debere. Respondeo discernendum esse inter opera cultus, & disciplinæ seu regiminis externi Ecclesiæ.

clesiae. Quantum autem ad opera cultus attinet, non solum extat mandatum Dei, quo precipitur vera colendi Deum ratio: verum etiam prohibitio ne quis ethelothresceias sectetur. Manifeste enim Coloss: 2 ethelothrescia damnat. Et Christus post Esaiam dicit, frustra me colunt docentes doctrinas hominum. Et Ezech: Capite 20. In preceptis patrum vestrorum nolite incedere, nec iudicia eorum custodiatis, nec Iodilis eorum polluamini, Ego Dominus Deus vester. contra has manifestas prohibiciones regnum antichristi suas missas, rosaria, invocationem sanctorum, delectum ciborum, impurum celibatum, stata ieunia, monachismum etc mundo obtrudit, in contumeliam unice legislatoris Dei.

At quantum ad disciplinam, & externae politiae Ecclesiae conservationem attinet, sciendum est, priorum antisitum esse,

F. iiiij

vt &c

ut & disciplinam conseruare vtilibus  
constitutionibus studeant, & ceremonias  
pias ordinent, vt omnia in Ecclesia  
ordine & decenter iuxta dictum  
pauli, fiant. Verum hic cauendum ne  
labefactetur libertas christiana, qua libe-  
ri sumus quo ad conscientiam attin-  
net a traditionib<sup>o</sup> humanis, modo con-  
temptus & scandalum absit. Deinde  
obseruandum quod tales esse debent  
traditiones, vt re vera faciant ad con-  
seruandam disciplinā sanctam & Ec-  
clesiasticam politiam synceram, quæ  
sine certis legibus in hac plurimorum  
hominum petulantia regi nequit &  
optandum esset, vt aliquis disciplinæ  
rigor Ecclesiæ restitueretur, quo fero-  
cia & contumacia hominum non nihil  
coherceri posset.

Hæc de errorib<sup>o</sup> eorū qui de bonis os-  
perib<sup>o</sup> docent, admonēda duxi, simul  
ostendens claris scripture pronuncia-  
tis, quo in loco bona opera habenda  
sint, quæ homines renati, nouæ vite &  
fidei necessitate, facere debeant, mos-

do in Dei familia verē censeri velint.  
Non quisquis, inquit Dominus, dicit  
mihi domine, domine, intrabit in reg  
num cœlorum, sed qui fecerit volun  
tatem patris mei qui est in cœlis. Itaque  
quisquis inter Discipulos Christi nu  
merari cupit, danda illi est opera, ut  
ex fide sericeret et ex animo, ad meditā  
dam vitæ nouitatē se addicat. Nam is  
demum voluntatem patris facit qui in  
Christum credit, Ioh: 6. Et sanctitatē  
eius imitatur, hoc est, ex vera fide vi  
tam & mores suos ad legis normā quā  
tum quidē id fieri potest, formare stu  
det. Id quod Paulo est, fructus iusticie  
edere. Bona etenim arbor iuxta Chri  
sti sententiam, non nisi bonos fructus  
producere potest.

Hinc Paulus ad Timotheum,  
milita honestam miliciam, retinens fidē  
& bonam conscientiā : quam postquā  
quidam repulerunt, circa fidem feces  
runt naufragium. Hec Pauli verba tes  
tantur vastata conscientia fidem amita  
ti, post

ti, postquam enim fide Christo duci nos  
mina dedimus, opus est bona conscientia,  
qua nulla res alia iucundior, nulla  
preciosior esse potest, retinetur autem  
bona conscientia hoc pacto: Primū si fir-  
miter statuis peccatū remissū esse fidu-  
cia mediatoris. Deinde si bonū habes  
propositū, quo peccādi voluntas abij-  
citur, vbi enim hoc propositū non fue-  
rit ibi nec spiritus Christi nec fides esse  
potest. Tertio si inchoatio nouæ obedi-  
entiae accedit, ardens Dei inuocatio,  
feruens desiderium approbandi Deo  
omnem nostrā vitam, & aliæ virtutes  
quæ fidei fructus sunt. Postremo si su-  
perioribus additur diligens & sancta  
in vocatione nostra cura, qua officium  
nostrum in gloriā Dei, in Ecclesia, poli-  
tarum & œconomiarum edificationē  
& conseruationē præstare conamur.  
Quicunq� igitur verā sūx̄ salutis curā  
habet, iuxta hanc regulā Pauli vitā for-  
met, retineat fidē et bonā conscientiam  
fidissimos thesauri Euangelij & salutis  
per Christum partæ custodes.

HVC QVASDAM DE<sup>90</sup>

obedientia erga Deum seten-  
tias adiecimus, ne hæc pos-  
tremata folia vacua  
essent.

Prouerb: 5. Mens iusti meditabitur  
obedientiam.

i. Ioh: 3. Qui facit iustitiam, iustus est.

i. Ioh: 4. Deus est charitas, et qui  
manet in charitate, in Deo manet, &  
Deus in eo.

Lucæ 6. Quid autē vocatis me do-  
mine domine, & non facitis quæ dico.

Hiere: 7. Bonas facite vias vestras,  
& studia vestra, & habitabo vobis  
cum in loco isto.

Matth: 5. Sic luceat lux vestra corā  
hominibꝝ, vt videāt opera vestra bona

Iohan: 8. Filii Abrahæ faciunt ope-  
ra Abrahæ.

Ephe. 1. Quemadmodum elegit  
nos per spiritum, anteq̄ iacerentur  
fundamenta mundi vt essemus sancti  
& irreprehensibiles coram illo.

Tit: 2.

**Tit: 2.** Apparuit gratia Dei salutaris omnibus hominibus erudiens nos ut abnegantes impietatem, & humanas concupiscentias, sobrie & iuste & pie viuamus in praesenti seculo, expectantes beatam spem, & apparitionem gloriarum magni Dei, & saluatoris nostri Iesu Christi, qui dedit seipsum pro nobis, ut liberaret nos ab omni iniquitate, & purgaret sibi populum peculariem, sectatorem honorum operum.

**I. Corinth. 3.** Vnusquisque propriam mercedem accipiet, secundum suum laborem.

**Apocal: 14.** Beati mortui, qui in Domino moriuntur: Opera enim illorum sequuntur illos.

**Gallat: 6.** Dum tempus habemus, operemur bonum erga omnes.

**I. Pet: 1.** Quapropter fratres magis satagit ut per bona opera certam vestram vocationem faciatis.

**Matth. 7.** Non omnis qui dicit mihi Domine domine, intrabit in regnum coelos

cœlorum, Sed qui facit voluntatem patris mei, qui in cœlis est, ipse intrabit in regnum cœlorum.

1. Corinthi: 15. Itaq; fratres mei dilecti stabiles estote, & immobiles abundantes in omni opere Domini semper, scientes quod labor vester non est inanis in domino.

Gallat: 6. Bonum autem facientes non deficiamus. Tempore enim suo metemus non deficientes.

2. Thess: 3. Vos autem fratres nolite deficere bencfacientes.

Rom: 6. Quid igitur peccabimus, quia non sumus sub lege & Absit. An nescitis, quod cui accommodatis vos ipsos seruos ad obediendum, eius servi estis cui obeditis, siue peccati ad mortem siue obedientiae ad iustitiam.

Rom: 8. Nulla igitur nunc est condēnatio his qui insiti sunt Christo Iesu: Qui non iuxta carnem versantur, sed iuxta spiritum.

Item, Debitores sumus non carni

vt

ut secundum carnem vivamus: Nam si secundum carnem vixeritis, moriemini. Quod si spiritu facta corporis mortificetis, viuetis. Etenim quicumque spiritu Dei ducuntur, His sunt filii Dei.

**Luce : 12.** Seruus sciens voluntatem Domini, & non faciens, vapularibit plagiis multis.

**Matth. 12.** Aut facite arborem bonam & fructum eius bonum, aut facite arborem vitiosam, & fructum eius malum.

**Luce : 9.** Nemo admittens manus suam ad aratrum, & respiciens retro, aptus est regno cœlorum.

**Matth. 25.** Excluduntur virgines fatue non habentes oleum in lampadibus suis.

Hæc testimonia scripturæ, qualia pené infinita reperiuntur in Propheticis & Apostolicis scriptis quam sint necessaria.

necessaria bona opera ostendunt, quæ  
ad quatuor capita referre soleo, quæ  
sunt pietas erga Deum, Sanctificatio  
vitæ : charitas proximi : & sancta cu-  
ra in eo vitæ genere ad quod voca-  
ti sumus.

HAFNIÆ  
Apud Christophorum  
Barth.

M. D. L. VIII.

42  
necessariis possit obsequiis ducere  
ad deputationes copias iustificare iusque ad  
litteras pietatis etiam Domini Guilielmi  
arvum: episcopatus propositum: Et regalis causa  
in eo Alio deputatioe ducere accesso  
et future.

HAFNIAE  
A Long Chirurgeon's Manual  
Printed,

M.D. I. AII.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 832 8° copy 1